

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
YAMAMOTO
NOV 21 1958

22

T 5237.47/1332

唐詩類苑卷第八十八

哈佛大學漢和圖書館藏印

明雲間張之象玄超甫纂輯

雲間陳繼儒仲醇甫編次

雲間王徹叔朗甫補訂

梁谿曹仁孫伯安甫校正

人部

應辟

送閻察赴東川辟

韋應物

冰炭俱可懷孰云熱與寒何如結髮友不得攜手歡
晨登巖霜野送子天一端祗承簡書命俯仰豸角冠

上陟白雲嶠下冥玄壑湍離群自有託歷險得所安
當念反窮巷登朝成慨嘆

送林復夢赴韋令辟

元稹

蜀路危於劒憐君自坦途幾回曾啖炙千里遠銜珠
野性便荒飲時風忌酒徒相門多禮讓前後莫相踰

送鄭谷先輩赴汝州辟命

張喬

看花興未休已散曲江遊載筆離秦甸從軍過洛州
嵩雲將雨去汝水背城流應念依門客蒿萊滿徑一作

日秋

送司封從叔員外赴華州裴尚書辟

鄭谷

如何拋錦帳蓮府對蓮峯舊有雲霞約暫留鷓鴣蹤
敷溪秋雪岸樹谷夕陽鐘盡入新吟境歸朝興莫慵

送鄭侍御赴汴州辟命

張喬

官從諫署清暫去佐戎旌朝客多相戀吟僧欲伴行
河水天際白嶽雪眼前明卽是東風起梁園聽早鶯

送友人上峽赴東山辟命

白居易

見說瞿塘峽斜銜灩澦根難於尋鳥路險過上龍門
羊角風頭急桃花水色渾山迴若鼇轉舟入似鯨吞
岸合愁天斷波跳恐地翻憐君經此去爲感主人恩

唐詩類苑 卷之八十八
醉送李協律赴湖南辟命因寄沈八中丞

白居易

富陽山底樟亭畔立馬停舟飛酒杯曾共中丞情
纒暫留協律語踟躕紫微星北承恩去青草湖南稱
意無不羨君官羨君幕幕中收得阮元瑜

洛陽送張曼容赴上黨召 杜牧

歌闕罇殘恨起偏憑君不用設離筵未趨雉尾隨元
老且驀羊腸過少年七葉漢貂真密近一枝詵桂亦
徒然羽書正急徵兵地須遣頭風處處痊

贈韋况徵君

戎昱

身欲逃名名自隨鳳銜丹詔降茅茨若節難違天子
命真心唯有老松知回看藥竈封題密強入蒲輪引
步遲今日巢由舊冠帶聖朝風化勝堯時

還山

春歸終南山松龕舊隱 李白

我來南山陽事事不異昔却尋溪中水還望巖下石
薔薇緣東窻女蘿遶北壁別來能幾日草木長數尺
且復命酒樽獨酌陶未夕

送裴十八圖南歸嵩山二首

李白

何處可爲別長安青騎門胡姬招素手延客醉金樽
臨當上馬時我獨與君言風吹芳蘭折日沒鳥雀喧
舉手指飛鴻此情難具論同歸無早晚潁水有清源

二

君思潁水綠忽復歸嵩岑歸時莫洗耳爲我洗其心
洗心得真情洗耳徒買名謝公終一起相與濟蒼生

送韓準裴政孔巢父還山 李白

獵客張兔且不能挂龍虎所以青雲人浩歌在巖戶
韓生本英彥裴子含清真孔侯復秀出俱與雲霞親
峻節凌遠松同衾卧盤石斧水漱寒泉三子同二屐

時時或乘興往往雲無心出山揖牧伯長嘯輕衣簪
昨宵夢裏還雲弄竹溪月今辰魯東門悵飲與君別
雪崖滑去馬蘿逕迷歸人相思若煙草歷亂無冬春

贈別王山人歸布山 李白

王子析道論微言破秋毫還歸布山隱興入天雲高
爾去安可遲瑤草恐衰歇我心亦懷歸屢夢松上月
傲然遂獨往長嘯開巖扉林壑久已蕪石道生薔薇
願言弄笙鶴歲晚來相依

送丘員外還山 韋應物

長棲白雲表暫訪高齋宿還辭郡邑誼歸泛松江淥

唐詩類苑 卷之八十八
結茅隱蒼嶺，伐薪響深谷。同是山中人，不知往來躅。
靈芝非庭草，遼鶴委一作池。鶩終當署里門，一表高陽族。

奉詔使君送歸山之作 丘丹

側聞郡守至，偶乘黃犢出。不別桃源人，一見經累日。
蟬鳴念秋稼，蘭酌動離瑟。臨水降麾幢，野艇纔容膝。
參差碧山路，日一作月送江帆疾。涉海得驪珠，棲梧慙鳳質。
媿非鄭公里，歸掃蒙籠室。

重送丘二十二還臨平山居

韋應物

歲中始再覲，方來又解攜。纔留夜艇語，已憶故山棲。
幽澗人夜汲，深林鳥長啼。還持郡齋酒，慰子一作此露淒。

奉詔重送歸山 丘丹

賣藥有時至，自知往來疎。遽辭池上酌，新得山中書。
步出芙蓉府，歸乘鷁舫車。猥蒙招隱作，豈媿班生廬。
送吉中孚校書歸楚州舊山十一首

盧綸

青袍芸閣郎，談笑挹侯王。舊籙藏雲穴，新詩滿帝鄉。

名高閑不得到處人爭識誰知冰雪顏已襍風塵色

三

此去復如何東臯岐路多藉茅臨紫陌迴首憶滄波

四

年來倦蕭索但說淮南樂並檝湖上遊連檣月中泊

五

汧溜入閣門千燈夜市喧喜逢隣舍伴遙語問鄉園

六

下淮風自急樹杪分郊邑送客隨岸行離人出帆立

七

漁村繞水田澹澹隔晴煙欲就林中醉先期石上眠

八

林昏天未曙但向雲邊去暗入無路山心知有花處

九

登高日轉明下望見春城洞裏草空長塚邊人自耕

十

寥寥行異境過盡千峰影露色凝古壇泉聲落寒井

十一

仙成不可期多別自堪悲爲問桃源客何人見亂時

歸山

劉希夷

唐詩類苑 卷之八十八
歸去嵩山道煙花覆青草草綠山無塵山青楊柳春日暮松聲合空歌思殺人

送戴徵士還山

李端

柔柔錦臆雉相送到煙霞獨隱空山裏閑門幾樹花草生楊柳岸鳥轉竹林家不是謀生拙無爲末路蹉

送張五歸山

王維

送君盡惆悵復送何人歸幾日同攜手一朝先拂衣東山有茅屋幸爲歸荆扉當亦謝官去豈令心事違

送故人歸山

杜牧

三清洞裏無端別又拂塵衣欲卧雲看著桂冠迷處

所北山蘿月在移文

送趙舒處士歸廬山

李咸用

歸岫香鑪碧行吟步益遲諸侯師不得樵客偶相隨思舊江雲斷談玄岳月移祗應張野輩異代作心知

送廬山人歸林慮山

皇甫冉

無論行遠近歸向舊煙林寥落人家少青冥鳥道深白雲長滿目芳草自知心山色連東海相思何處尋

送錢契明尊師歸廬山

李咸用

瘦倚青竹杖鑪峰指欲歸霜粘行日履風暖到時衣凭檻雲還在攀松鶴不飛何曾有別恨楊柳自依依

天竺寺送堅上人歸廬山 白居易

錫杖登高寺香鑪憶舊峯
偶來舟不繫忽去鳥無蹤
豈要留離偈寧勞動別容
與師俱是夢夢裏暫相逢

送韋逸人歸廬山 郎士元

逸人歸路遠弟子出山迎
服藥顏猶駐耽書癖已成
柴扉多歲月藜杖見公卿
更作儒林傳應須載姓名

送韋邕少府歸鍾山 李嘉祐

祁門官罷後負笈向桃源
萬卷長開帙千峰不閉門
綠楊垂野渡黃鳥傍山村
念爾能高枕丹墀會一論

春日送麗處士歸龍山 僧無可

愛弟直霜臺家山美獨迴
出門時返顧何日更西來
柳亦臨關發花應到越開
漁舟誰伴上依舊恣泔洄

送王先生歸南山 司空曙

儒中年最老獨有濟南生
愛子方傳業無官自耦耕
竹通山舍遠雲接雪田平
願作門人去相隨隱姓名

送蘇處士歸西山 項斯

南遊何所為一篋又空歸
守道安清世無心換白衣
深林蟬噪暮絕頂客來稀
早晚重相見論詩更及微

送趙真長歸夏縣舊山依陽徵君讀書

盧綸

唐詩類苑 卷之八十八
臨悲忽泫然非是惡離絃塵陌望松雪我衰君少年
曲僧曝山果寒鹿守冰泉感物如有待况依回也賢

歲初歸舊山

錢起

欲知愚谷好又別與春還鶯暖初歸樹雲晴却戀山
石田耕種少野客性情閑求仲應難見殘陽俱掩關

梁燭處士辭金陵相國杜公歸舊山因以寄

贈

鄭谷

相庭留不得江野有苔磯兩浙尋山徧孤舟載鶴歸
世間書讀盡雲外客來稀諫署搜賢急應難惜布衣

送僧歸舊山

僧棲白

談空與破邪獻壽復營家白日得何偈青天落幾花
傳燈皆有分化宿獨無涯却入中峰寺還知有聚沙

送宋徵君讓官還山

錢起

至人無滯跡謁帝復思玄魏闕辭花綬春山有杏田
紫霞開別酒黃鶴舞離絃今夜思君夢遙遙入洞天

歸山與友人別

李端

野客本無事此來非有求煩君徵藥錢一作徵未免

一作憶山愁紅燭侵明月青蟲促白頭童心久已盡

豈為艷歌留

歸山相王達

李端

唐詩類苑 卷之八十八
日長原路靜杖策趨幽巘雉雒麥苗陰蝶飛溪早晚
我生好閑放此去殊未反自是君不來非關遠山遠
送丹霞子阮芳顏上人歸山

孟郊

松色不肯秋玉性不可柔登山須正路飲水須直流
倩鶴附書信索雲作衣裘仙村莫道遠枉策招交遊

送友人歸山

張籍

出山成北首重去結茅廬移石修廢井掃龕盛舊書
開田留杏樹分洞與僧居長在幽峰裏樵人見亦疎
晚歸藍田酬王維給事贈別

錢起

卑棲却得性每與白雲歸徇祿仍懷橘看山免採薇

一作別山如昨日春露已霑衣采蕨頻盈手看花空厭歸暮禽先去馬新月待開

扉霄漢時回首知音青鎖闈

送朱休歸劍南

賈島

劍南歸受賀太學賦聲雄山路長江岸朝陽十月中
芽新抽雪茗枝重集猿楓卓氏琴臺廢深蕪想逕通

還山宅

楊師道

暮春還舊嶺徙倚玩年華遙逕無芳草空山正落花
垂藤掃幽石卧柳礙浮槎鳥散茅簷靜雲披澗戶斜

依然此泉路猶是昔煙霞

酬故人還山

宋 鼎

舉棹乘春水歸山撫歲華碧潭宵見月紅樹晚開花
肅穆輕風度依微隱徑斜危亭暗松石幽澗落雲霞
思鳥鳴高樹遊魚戲淺沙安知餘興盡相望紫煙賒

謝真人還舊山

范傳正

麾蓋從仙府笙歌入舊山水流丹竈缺雲起草堂關
白鹿行爲衛青鸞舞自閑種松鱗未立移石蘚仍斑
望路煙霞外迴輿巖岫間豈唯遼西鶴空歎令威還

送友人歸山歌二首

王 維

山寂寂兮無人又蒼蒼兮多木群龍兮滿朝君何爲
兮空谷文寡和兮思深道難知兮行獨悅石上兮流
泉與松間兮草屋入雲中兮養鷄上山頭兮抱犢神
與棗兮如瓜虎賣杏兮收穀愧不才兮妨賢嫌旣老
兮貪祿誓解印兮相從何詹尹兮可卜

山中人兮欲歸雲冥冥兮雨霏霏水驚波兮翠管靡
白鷺忽兮翻飛君不可兮褰衣山萬重兮一雲混天
地兮不分樹掩曖兮氛氳猿不見兮空聞忽山西兮
夕陽見東臯兮遠村平蕪綠兮千里眇惆悵兮思君

賦得吟送沈四山人

高 適

唐詩類苑 卷之八十一
還山吟天高日暮寒山深送君還山識君心人生老
大須恣意看君解作一生事山間偃仰無不至石泉
淙淙苦風雨桂花松子常滿地賣藥囊中應有錢還
山服藥又長年白雲勸盡杯中物明月相隨何處眠
眠時憶問醒時意夢魂可以相周旋

下途歸石門舊居

李白

吳山高越水清握手無言傷別情將欲辭君挂帆去
離魂不散煙郊樹此心鬱悵誰能論有愧叨承國士
恩雲物共傾三月酒歲時同餞五侯門羨君素書常
滿案含丹照白霞色爛余嘗學道窮冥筮夢中往往

遊仙山何當脫屣謝時去壺中別有日月天俛仰人
間易凋朽鍾峰五雲在軒牖惜別愁窺玉女牕歸來
笑把洪崖手隱居寺隱居山陶公鍊液棲其間靈神
閉氣昔登攀恬然但覺心緒閑數人不知幾甲子昨
來猶帶冰霜顏我離雖則歲物改如今了然識所在
別君莫道不盡歡懸知樂客遙相待石門流水徧桃
花我亦曾到秦人家不知何處得鷄豕就中仍見繁
桑麻翛然遠與世事間裝鸞駕鶴又復遠何必長從
七貴遊勞生徒聚萬金產挹君去長相思雲遊雨散
從此辭欲知悵別心易苦向暮春風楊柳絲

唐詩類苑 卷之八十八
鳴臯歌奉餞從翁清歸五崖山居

李白

昨憶鳴臯夢裡還，手弄素月清潭間。
覺時枕席非碧山，側身西望阻秦關。
麒麟閣上春還早，著書却憶伊陽好。
青松來風吹古道，綠蘿飛花覆煙草。
我家仙翁愛清真，才雄草聖凌古人。
欲卧鳴臯絕世塵，鳴臯微茫在何處。
五崖峽水橫樵路，身披翠雲裘，袖拂紫煙去。
去去時應過嵩少，間相思爲折三花樹。

送褚校書歸舊山歌

韋應物

握珠不返泉匣玉，不歸山明皇重士。
亦如此忽得褚

生何得還方稱羽獵賦，未拜蘭臺職。
漢篋亡書已暗傳，嵩丘遺簡還能識。
朝朝待詔青鑲闈，闈中有萬年之樹蓬萊池。
世人仰望棲此地，生獨徘徊意何爲。
故山可往薇可採，一自人間星歲改。
藏書壁中苔半侵，洗藥泉中月還在。
春風欲餞灞陵原，莫厭歸來朝市喧。
不見東方朔避世，從容金馬門。

送餞從叔辭豐州幕歸嵩陽舊居

盧綸

白鬚宗孫侍坐時，願持壽酒前致詞。
鄙訶何所擬，請自邊城始。邊城貴者李將軍，戰鼓遙疑天上聞。
屯田

唐詩類苑 卷之八十一
布錦周千里牧馬攢化溢萬群白雲本是喬松伴來
遶青營復飛散三聲畫角咽不通萬里蓬根一時斷
豐州聞說似涼州沙塞晴明部落稠行客已去依獨
戍主人猶自在高樓夢親旌旆何由見每值清風一
回面洞裏先生那怪遲人天無路自無期砂泉丹井
非同味桂樹榆林不並枝吾翁致身殊得計地仙亦
是三千歲莫着戎衣期上清東方曼倩逢人輕

送張山人歸嵩陽

白居易

黃昏慘慘天微雪修竹坊西鼓聲絕張生馬瘦衣且
單夜扣柴門與我別媿君冒寒來別我爲君沽酒張

燈火酒酣火暖與君言何事入關又出關答云前年
偶下山四十餘月客長安長安古來名利地空手無
金行路難朝遊九城陌肥馬輕車欺殺客暮宿五侯
門殘茶冷酒愁殺人春明門門前便是嵩山路幸有
雲泉客此身明日辭君且歸去

歸山作

顧况

心事數莖白髮生涯一片青山空林有雪相待古道
無人獨還

送暢當還舊山

盧綸

常逢明月馬塵間是夜照君歸處山山中松桂花發

盡頭白屬君如等閑

送齊山人歸長白山

韓翃

舊事山人白兔公掉頭歸去又乘風柴門流水依然在一路寒花萬木中

亂後入洪州西山

曹松

寂寂陰溪水漱苔塵中將得苦吟來東風道士如相問縣令而今不姓梅

送履霜上人還金陵西山

僧皎然

攜錫西山步綠莎禪心未了柰情何湘秋水寺清秋外月落風悲松栢多

小江驛送陸侍御歸湖上山

陳羽

鶴唳天邊秋水空荻花蘆葉起西風今夜渡頭何處宿會稽山在月明中

夜歸華山因寄幕府

蘇廣文

山村寥落野人稀竹裏衡門掩翠微溪路夜隨明月入亭臯春伴白雲歸嵇康懶慢仍耽酒范蠡逋逃久拂衣汀畔數鷗閑不起只應知我也忘機

送潤卿博士還華陽

皮日休

雪打蓬舟離酒旗華陽居士半酣歸逍遙只恐逢雲

唐詩類苑 卷之六十八
將恬澹真應降月妃仙市鹿胎如錦嫩陰宮燕肉似
蘇肥公車草舍蒲輪壞爭不教他白日飛

奉和送潤卿博士還華陽 陸龜蒙

何事輕舟近臘迴茅君兄弟欲歸來封題玉洞虛無
奏點檢霜壇沆漚杯雲肆先生分氣調山圖公子愛
詞才殷勤爲向東鄉薦灑掃含真雪後臺

賦得送軒轅先生歸羅浮山

李洞

舊山歸隱浪搖青綠鬢山童一帙經待帖布帆猿鳥
看藥煎金鼎鬼神聽洞深頭上聆仙語船靜鼻中聞

海腥此處先生應不住吾君南望漫勞形

茅山贈洪拾遺

方干

聖代諫臣停諫舌求歸故里傲雲霞溪頭講樹纜漁
艇篋裏朝衣輸酒家但愛身閑辭祿俸那嫌藏計在
桑麻我來幸與諸生異問答時容近絳紗

廬山人自巴蜀由湘潭歸茅山因贈

許渾

太一靈方鍊紫荷紫荷飛盡髮皤皤猿啼巫峽曉雲
薄鴈宿洞庭秋月多導引豈如桃葉舞步虛寧比竹
枝歌華陽舊隱莫歸去水沒芝田生綠莎

送嶺南盧判官罷職歸華陰山居

許渾

曾事劉琨鴈塞空十年舊劔似一作仕飄蓬東堂逢屈

一作移山志南國新留煮海功還掛一帆青草畔更

開三逕碧蓮中關西舊一作親友應一作如相問已許滄

浪伴釣翁

贈李伊闕 并序

許渾

前伊闕李師晦侍御辭秩歸山過余所止醉圖二

室於屋壁亦招隱之旨也因而有贈焉

桐履如飛不可尋一壺雙笈嶧陽琴舟橫野渡寒風

急門掩荒山夜雪深貧笑白駒無去意病慙黃鵠有

歸心雲間二室勞君畫水墨蒼蒼半壁陰

送唐大夫寵節歸山

王建

年少平戎先學仙表求骸骨乞生全不堪腰下懸金

印已向雲西寄玉田旌節抱歸官路上公卿送到國

門前人間鷄犬同時去遙望笙歌隔水煙

送孫逸歸廬山

劉長卿

鑪峰絕頂楚雲銜楚客東歸棲北巖一作此岩彭蠡河邊

香橘柚潯陽郭外暗楓杉青山不斷三湘水飛鳥空

隨萬里帆常愛此中多勝事新詩他日佇開緘

送道者朝見後歸山

殷文珪

暫隨蒲帛謁金鑿，瀟灑風儀傲漢官。
天馬難將朱索絆，海鼇寧覺碧濤寬。
松壇月作尊前畔，竹篋書爲教外歡。
神鼎已乾龍虎伏，一條真氣出雲端。

送唐大夫讓節歸山

于鵠

年老功成乞罷兵，玉階匍匐進雙旌。
朱門鴛瓦爲仙觀，白領狐裘出帝城。
侍女休梳宮樣髻，蕃童新改道家名。
到時浸髮春泉裏，猶夢紅樓簫管聲。

送韓侍御歸山

張籍

聞君久卧在雲間，爲佐嫖姚未得還。
新結茅廬招隱

逸，獨騎驄馬入深山。
九靈洞口行應到，五粒松枝醉亦攀。
明日河聲出城去，家僮不復掃柴關。

送王十八歸山寄題仙遊寺

白居易

曾於太白峰前住，數到仙遊寺裏來。
黑水澄時潭底出，白雲破處洞門開。
林間暖酒燒紅葉，石上題詩掃綠苔。
惆悵舊遊無復到，菊花時節羨君迴。

佐還山後寄

杜甫

山晚浮雲合，歸時恐路迷。
澗寒人欲到，村黑鳥應栖。
野客茅茨小，田家樹木低。
舊諳疎懶叔，須汝故相攜。

二

白鷺黃梁熟分張素有期已應春得細頗覺寄來遲
味豈同金菊香宜配綠一作紫葵老人他日愛正想滑
流匙

三

幾道泉澆圃交橫落幔坡歲蕤秋葉少隱映野雲多
隔沼連香芰通林帶女蘿甚聞霜薤白重惠意如何

唐詩類苑卷第八十八終

唐詩類苑卷第八十九

明雲間張之象玄超甫纂輯

雲間陳繼儒仲醇甫編次

雲間王徹叔朗甫補訂

梁谿曹仁孫伯安甫校正

人部

山中

天津橋南山中

李益

野坐分苔席山行遶菊叢雲衣惹不破秋色望來空

山中

沈千運

唐言類考 卷之八十九
棲隱別無事所願早離塵不辭城邑遊禮樂拘來人
邇來歸山林庶事皆吾身何者爲形骸誰是智與仁
寂寞了閑事然後知天真咳唾矜榮華迂俯相屈伸
如何巢與由天子不得臣

山中寄韋子春秘書

王季友

出山秘芸署山木已再春食我山中藥不憶山中人
中誰余密白髮日相親雀鼠晝夜無知我厨廩貧
有情盡捐棄土石爲周身依依舍北松不厭我南隣
夫子質千尋天澤枝葉新今以不材壽非智免斧斤

山中春仲寄汝上王恒穎川沈冲

錢起

隱者守恬泊春山日深淨誰知蟠木材得性無人境
座隅泉出洞竹上雲起嶺饑狄入山厨飲虹過藥井
前溪堪放逸仲月好風景遊目來遠思摘芳寄汝穎
山中貽崔六琪華

儲光羲

恍惚登高嶺徘徊看落日遙想仲長園如親幼安室
春渚菖蒲花山中撥穀鳴相思不道遠太息未知情
意君來此地時復疎林薄中夜掃閑門迎晨閉菌閣
屣履清地上家童奉信歸憂隨落花散目送孤雲飛
故交在天末新知復千里無人暫往來獨作中林士

山中依韻答劉書記見贈 李山甫

幽居少人事三徑草不開
隱几虛室靜閑雲入坐來
至道非內外詎言才不才
寶月當秋空高潔無纖埃
心減百慮滅詩成萬象回
亦有吾廬在寂寞舊山隈
從容未歸去滿地生青苔
謝公寄我詩清竒不可陪
白雪飛不盡碧雲欲成堆
驚風出地戶號號似震雷
吟哦山欲動令人心膽摧
思君覽章句還復如望梅
慷慨追古意曠望登高臺
何當陶淵明遠臨勸傾杯
流年將老來華髮自相催
野寺連屏幃左右相徘徊

山中答劉書記寓懷 李山甫

貴門多冠冕日與榮辱並
山中有獨夫笑傲出身盛
正直任天真鬼神亦相敬
之子賁丘園戶牖松蘿映
骨將槁木齊心同止水淨
筆頭指金波座上橫玉柄
芙蓉出秋渚繡段流清詠
高古不稱時沉默豈相競
窮搜萬籟息危坐千峰靜
林僧繼嘉唱風前亦為幸

山中夜宿 顧况

涼月掛層峰蘿牀落葉重
掩關深畏虎風起撼長松

山中 曹松

此地似商嶺雲霞空往還
衰條難定鳥缺月易依山
野色耕不盡溪容釣自閑
分因多卧退百計少相關

山中言事

曹松

嵐靄潤牕櫺吟詩得冷癢教餐有效藥多媿獨行僧
雲濕煎茶火水封汲井繩片扉深着掩經國自無能

山中興作

馬戴

高高丹桂枝嫋嫋女蘿衣密葉浮雲幽陰暮鳥歸
月和風翠動花落瀑泉飛欲剪蘭為佩中林露未晞

山中寄韋鉦

于鵠

嬾成身病日因醉卧多時送客出谿少讀書終卷遲
幽牕聞墜葉晴景見遊絲早晚來收藥門前有紫芝

山中寄姚合員外

馬戴

朝與城闕別暮同麋鹿歸鳥鳴松觀靜人過石橋稀
木葉搖山翠泉痕入澗扉敢招仙署客暫此拂朝衣

山中寄時校書

錢起

蓬萊紫氣温如玉唯予知爾陽春曲別來幾日芳蓀
綠百花酒滿不見君青山一望心斷續

山中贈拾遺耿漳兼寄兩省故人

秦系

數片荷衣不蔽身青山白鳥豈知貧如今非是秦時
也更隱桃花亦笑人

宿石邑山中

韓翃

浮雲不共此山齊
山靄蒼蒼望轉迷
曉月暫飛高樹裏
秋荷隔在數峰西

山中贈諸暨丹丘明府

秦系

荷衣半破帶莓苔
笑向陶潛酒甕開
縱醉還須上山去
白雲那肯下山來

山中

顧况

野人愛向山中宿
况在葛洪丹井西
庭前有箇長松樹
夜半子規來上啼

山中書懷寄張建封大夫

秦系

昨日年催白髮新
身加麋鹿不知貧
時時亦被羣兒

笑賴有南山四老人

山中作

馬戴

屐齒無泥竹策輕
莓苔梯滑夜難行
獨開石室松門裏
月照前山空水聲

山中奉寄錢起員外兼簡苗發員外

秦系

空山歲計是胡麻
窮海無梁泛一槎
稚子唯能覓梨栗
逸妻相共老煙霞
閨吟麗句驚巢鶴
閑閉春風看落花
借問省中何水部
今人幾箇屬詩家

山中枉皇甫温大夫見招書

十年木屐步苔痕石上松間水自喧三辟草堂仍被
褐數行書札忽臨門卧多共息嵇康病才劣虛同郭
隗尊亞相已能憐潦倒山花笑處莫啼猿

山中寄梁判官

秦系
李山甫

歸卧東林計偶諧柴門深向翠微開更無塵事心頭
起還有詩情象外來康樂公應頻結社寒山子亦患
多才星郎雅是道中侶六藝拘牽在隗臺

山中效陶

曹鄴

洛弟非有罪茲山聊歸止山猿隔雲住共飲山中水

讀書時有興坐石忘却起西山忽然暮往往遺巾履
經時一出門兼俟僮僕喜常被山翁笑求名豈如此
齒髮老未衰何如且求已

山中有招

劉駕

朗朗山月西塵中事由生人心雖不閑九陌夜無行
學古以求聞有如石上耕齊姜早作婦豈識閨中情
何如此幽居地僻人不爭嘉樹自昔有茅屋因我成
取薪不出門采藥於前庭春花雖無種枕席芙蓉馨
君求食葵藿天爵豈不榮

山中夜坐

劉駕

唐詩類苑 卷之八十九 六
半夜山雨過起來滿山月落盡醉處花荒溝水泱泱
愴然惜春去似與故人別誰遣我多情壯年無鬢髮

桐廬山中贈李明府

孟郊

靜境無濁氣清雨零碧雲千山不隱響一葉動亦聞
卽此佳志士精微誰相羣欲識楚一作章句袖中蘭
荏薰

疊韻山中吟

陸龜蒙

瓊英輕明生石脉滴瀝碧玄鉛仙偏憐白憤客亦惜

疊韻山中吟

皮日休

穿煙泉潺湲觸竹犢齧棘荒篁香牆匡熟鹿伏屋曲

山中宿

白居易

獨到山中宿靜向月中行何處水邊碓夜春雲母聲

山中

方干

散拙亦自遂粗將猿鳥同飛泉高瀉月獨樹遠含風
果落盤盂上雲生篋笥中未甘明聖日終作釣漁翁

山中卽事

方干

趨世未身事山中適性情野花多異色幽鳥少凡聲
樹影搜涼卧苔光破碧行間尋採藥處仙路漸分明

山中送從叔簡

孟郊

莫以手中瓊言邀世上名莫以山中迹又向人間行

松柏有霜操風泉無俗聲應憐枯巧質驚此別離情
魯望示廣文先生吳門二章情格高散可醒
俗態因追想山中風度次韻屬和存於詩
編魯望之命也
皮日休

我見先生道休思鄭廣文鶴翻希作伴鷗却覓為羣
逸好冠清月高宜著白雲朝廷未無事爭任醉醺醺

二

能諳肉芝祿解講隱書文終古神仙窟窮年麋鹿羣
行厨著白石卧具拂青雲應在雷平上支願復半醺

山中寄王員外

僧護國

為問幽蘭桂空山復若何芬芬終日有採折更誰過
望在軒堦近恩霑雨露多移居倘得地長願接瓊柯

羈卧山中

盧照隣

卧壑迷時代行歌任死生紅顏意氣盡白壁故交輕
澗戶無人迹山窻聽鳥聲春色綠岩上寒光入溜平
雪盡松帷暗雲間石路明夜伴饑鼯宿朝隨馴雉行
度溪猶憶處尋洞不知名紫書常日閱丹藥幾年成
扣鐘鳴天鼓燒香厭地精倘遇浮丘鶴飄飄陵太清

山中寄吳礪十韻

方干

莫問終休否林中事已成盤餐憐火種歲計付刀耕

屋言類考 卷之八十九
掬水皆花氣聽松似雨聲書空翹足卧避險側身行
果傍閑軒落蒲連濕岸生禪僧知見理妻子笑無名
更擬教書苦何曾待酒清石溪魚不大月樹鵲多驚
砌下通樵路窻間見縣城雲山任重疊難隔故交情
山中作
僧處默

簾簾高挂枕高欹門掩垂蘿蘸碧溪閑把史書眠一
覺起來山月過松西
山中五絕
白居易
遊嵩陽見五物各有所感感興不同隨興而吟因
成五絕

嶺上雲

嶺上白雲朝未散田中青麥早將枯自生自滅成何
事能逐東風作雨無

石上苔

漠漠斑斑石上苔幽芳靜綠艷纖埃路傍凡草榮遭
遇曾得七年車輾來

林下樗

香檀文桂苦雕鐫生理何曾得自全知有無材老樗
杏一枝不損盡天年

澗中魚

唐詩類苑 卷之八十九
海水桑田欲變時風濤翻覆沸天池鯨吞蛟鬪波成
血深澗遊魚樂不知

洞中蝙蝠

千年鼠化白蝙蝠黑洞深藏避網羅遠害全身誠得
計一生幽暗又何如

山中言事二首

方干

日與村家事漸同燒松啜茗學鄰翁池塘月撼芙蓉
浪窻戶涼生薜荔風書幌晝昏嵐氣裏巢枝夜折雪
聲中山陰釣叟無知已窺鏡擣多鬢欲空

欹枕亦吟行亦醉卧吟行醉更何營貧來猶有故琴
在老去不過新髮生山鳥踏枝紅果落家童引釣白
魚驚潛夫自有孤雲侶可要王侯知姓名

隱逸

招隱詩

僧曇翼

連峰數千里修林帶平津雲起遠山翳風至萸荒榛
茅茨隱不見鷄鳴知有人躡蹻踐其跡處處見遺薪
乃知百代下固有上皇民

中隱

白居易

大隱住朝市小隱入丘樊丘樊太冷落朝市大囂囂
不如作中隱隱在留司官似出亦似處非忙亦非閑

不勞心與力又免饑與寒終歲無公事隨月有俸錢
君若好登臨城南有秋山君若好遊蕩城東有春園
君若欲一醉時出赴賓筵洛中多君子可以恣歡言
君若欲高卧但自深掩關亦無車馬客造次到門前
人生處一世其道難兩全賤即若凍餒貴則多憂患
唯此中隱士致身吉且安窮通與豐約正在四者間

小隱吟

孟郊

我飲不在醉我歡長寂然酌溪四五盞聽彈兩三絃
鍊性靜棲白洗清深寄玄一作塞淵號怒路傍子貪敗不
貪全

韋居守晚歲常言退休之志因署其居曰大

隱洞命予賦詩因贈絕句

元稹

謝公潛有東山意已向朱門啓洞門大隱猶疑戀朝
市不如名作罷歸園

送楊銷歸隱

錢起

悔作掃門事還吟招隱詩今年芳草色不失故山期
遙想白雲裏采苓春日遲溪花藏石徑巖翠帶茅茨
九轉莫飛去三迴良在茲還嗤茂陵客貧病老明時

送從兄歸隱藍溪三首

許渾

名高猶一作尚

一作氣高

素衣

身不達

窮巷掩荆扉漸老故人

少父貧豪客稀寒雲橫劍望山月抱琴歸幾日藍溪

醉藤花拂釣磯

一作莫遣藍溪路青苔滿釣磯

二

京洛多高蓋憐兄劇斷蓬身隨一劍老家入萬山空
夜憶蕭關月行悲易水風無人知此意甘卧白雲中

三

燕鴈下秋塘田家自此忙移蔬通遠水收果待繁霜
野碓舂粳滑山厨焙茗香客來還有酒隨事宿茅堂

養拙

白居易

鐵柔不為劍木曲不為轅今我亦如此愚蒙不及門
甘心謝名利滅跡歸丘園坐卧茅茨中但對琴與樽
身去韉鑠累耳辭朝市喧逍遙無所為時窺五千言
無憂樂性場寡欲清心源始知不才者可以探道根

林卧

岑參

偶得魚鳥趣復茲水木涼遠峰帶雨色落日搖川光
白中西山藥袖裏淮南方唯愛隱几時獨遊無何鄉

屏跡三首

杜甫

衰年甘屏跡幽事供高卧鳥下竹根行龜開萍葉過
年荒酒價乏日併園蔬課猶酌甘泉歌歌長擊樽破

二

用拙存吾道幽居近物情
桑麻深雨露燕雀半生成
村鼓時時急漁舟箇箇輕
杖藜從白首心迹喜雙清

三

晚起家何事無營地轉幽
竹光團野色舍影漾江流
失學從兒懶長貧任婦愁
百年渾得醉一月不梳頭

買山吟

于鵠

買得幽居屬漢陽
槿籬疎處種桄榔
唯有獼猴來往熟
弄人拋果滿書堂

幽棲

元稹

野人自愛幽棲所近對長松遠是山
盡日望雲心不繫
有時看月夜方閑
壺中天地乾坤外
夢裡身名旦暮間
遼海若思千歲鶴
且留城市會飛還

貽阮隱君

杜甫

陳留風俗衰人物世不數
塞上得阮生迥繼先父祖
貧知靜者性自益毛髮古
車馬入鄰家蓬蒿翳環堵
清詩近道要識字用心苦
尋我草徑微褰裳踏寒雨
更議居遠村避喧喧甘
猛虎足明箕穎客榮貴如糞土

懷西峰隱者

周賀

灌木藏岑色天寒望卽愁
高齋何日去遠瀑入城流

臘近溪書絕燈殘夜雪稠邇來相憶處枕上苦吟休

寄隱者

白居易

賣藥向都城行憇青門樹道逢馳驛者色有非常懼
親族走相送欲別不敢住私怪問道傍何人復何故
云是右丞相當國握樞務祿厚食萬錢恩深日三顧
昨日延英對今日崖州去由來君臣間寵辱在朝暮
青青東郊草中有歸山路歸去卧雲人謀身計非誤

隱士

孟郊

本末一相返漂浮不還真山野多餒士市井無饑人
虎豹忌道當麋鹿知藏身柰何貪競者日與患害親

顏貌歲歲改利心朝朝新孰知富生禍取富不取貧
寶玉忌出璞出璞先為塵松栢忌出山出山先為薪
君子隱石壁道書為我鄰寢興思其義澹泊味始真
陶公自放歸尚平去有依草木擇地生禽鳥順性飛
青青與冥冥所保各不違

題灞西駱隱士

許渾

磻溪連灞水商嶺接秦山青漢不回駕白雲長一作
掩關雀喧知鶴靜鳧戲識一作鷗閑却笑南昌尉悠

悠城市間

懷南岳隱士二首

孟郊

唐言類考 卷之八十九 十四
見說祝融峰擎天勢似騰藏千尋布水出十八高僧
古路無人迹新霞吐石稜終居將爾叟一一共余登

二

千峰映碧湘真叟此中藏飯不煮石喫眉應似髮長
楓根楷酒甕鶴虱落琴牀雖效忘機者斯人尚未忘

隱者

張籍

先生已得道市井亦容身救病自行藥得錢多與人

問年長不定傳法又非真常見鄰家

一作翁

說時聞

一作

時使鬼神

贈隱者

于鄴

石室掃無塵人寰與此分飛來南浦樹半是華山雲
浮世幾多事先生應不聞寒川滿西日空照鴈成群

贈隱者

儲嗣宗

盡室幽居谷亂山爲四隣霧深知有術牕靜似無人
鶴語松上月花明雲裏春生涯更何許尊酒與垂綸

贈隱者

溫庭筠

茅堂對薇蕨爐煖一裘輕醉後楚山夢覺來春鳥聲
採茶溪樹綠煮茗石泉清不問人間事忘機過此生

懷紫閣隱者

賈島

寂寥思隱者孤燭坐秋霖梨栗猿喜熟雲山僧說深

寄書應不到結伴擬同尋廢寢方終夕迢迢紫閣心
寄紫閣隱者 張籍

紫閣氣沈沈先生住處深有人時得見無路可相尋
夜鹿伴茅屋秋猿守栗林唯應採靈藥更不別營心

夏日寄東溪隱者

耿漳

日華泛野草色合遙空處處山依舊年年事不同
閑田孤壘外暑雨片雲中惆悵多塵累無由訪釣翁

題太白山隱者

項斯

高居在幽嶺人得見時稀寫錄倚虛白尋僧到翠微
掃壇星下宿收藥雨中歸從服小還後自疑身解飛

陪鄭先輩華山羅谷訪張隱者

李山甫

白雲閑洞口飛蓋入嵐光好鳥共人語異花迎客香
谷風聞鼓吹苔石見文章不是陪仙侶無因訪阮郎

寄嵩陽隱者

李咸用

昔年江上別初入亂離中我住匡山北君之少室東
信來經險道詩半憶皇風何事猶高卧巖邊夢未通

寄嵩陽隱者

崔塗

四十年高夢生涯指一丘無人同久住有鶴對冥修
草雜芝田出泉和石髓流更嫌庭樹老疑是世間秋

唐詩類苑 卷之八十九
送華陰隱者

項斯

往往到城市得非徵藥錢世人空識面弟子莫知年
自說能醫死相期更學仙近來移住處毛女舊峰前
貽終南山隱者 許渾

中巖多少隱提榼抱琴遊潭冷薜蘿晚山香松桂秋
瓢閑高樹掛杯急曲池流獨有迷津客東西南北愁
憶盧常侍寄華山鄭隱者 張籍

獨住三峰下年深學煉丹一間松葉屋數片石花冠
酒待山中飲琴將洞裏彈開門移遠竹剪草出幽蘭
荒碧通泉架晴崖曬藥壇寄知騎省客長向白雲閑

懷華山隱者

劉昭禹

先生入太華杳杳絕良音秋夢有時見孤雲無處尋
神清峰頂立衣冷瀑泉吟應笑于名者六街塵土深
題高高隱者居 鄭谷

豈易訪仙蹤雲蘿千萬重他年來卜隱此景願相容
亂水林中路深山雪裏鐘見君琴酒樂迴首興何慵
歸故山路逢隱居隱者 錢起

握手雲棲路潛然恨幾重誰知綠林盜長占彩霞峰
心死池塘草聲悲古徑松無因芳杜月琴酒更相逢
寄廬山隱者 楊衡

風鳴雲外鐘鶴宿千年松相見杳不見月出山重重
尋隱者不遇
僧貫休

松下問童子言師採藥去只在此山中雲深不知處
贈漢陽隱者
錢起

當年不出世知子餐霞人樂道復安土遺榮長隱身
衡茅古林曲杭稻清江濱桂棹為漁暇荷衣禦暑新
款顏行在役幽興惜今晨分首天涯去再來芳杜春

過鳴臯隱者

錢起

磻石老紅鮮徵君卧幾年飛一作百泉出林下一徑過
窮一作崖巔鷄犬逐人靜雲霞宜地偏終朝數峰勝不

遠一壺前仲月霽春雨香風生藥田丹溪不可別瓊
草色芊芊

丁隱君歌

陸龜蒙

華陽道士南遊歸手中半卷青羅衣一作皮自言逋客

持賜我乃是前塘丁翰之連江一作更大抵多奇岫獨

話君家最孤秀盤燒天竺春笋肥琴倚洞庭秋石瘦

草堂暗引龍泓溜老樹根株若蹲獸霜濃果熟未容

收往往兒童雜猿狖去歲猖狂有黃冠官軍駭散無

人鬪滿城奔送翰之閑祗把枯松塞圭竇前度相逢
正賣文一錢不直虛云云今來利作採樵客以可拋

身麋鹿群丁隱君昂一作頭且莫變名氏即日便尋

丁隱君

寄桐江隱者

許渾

潮去潮來洲渚春山花如繡草如茵巖陵臺下桐江水解釣鱸魚能幾人

送隱者

杜牧

無媒徑草路蕭蕭自古雲林遠市朝公道世間唯白髮貴人頭上不曾饒

贈隱者

劉滄

何時止此幽棲處獨掩衡門長綠苔臨水靜聞靈鶴

語隔原時有至人來五湖仙島幾年別九轉藥爐深夜開誰識無機養真性醉眠松石枕空杯

贈天台隱者

劉滄

靜者多依猿鳥衡門野色四郊通天開宿霧海生日水泛落花山有風迴望一巢懸亦未獨尋危石坐巖中看書飲酒餘無事自樂樵漁多釣翁

贈華陰隱者

方干

少微夜夜當仙掌更有何人在此居花月舊應看浴鶴松蘿自在伴刪書素琴醉去經宵枕衰髮寒來向日梳故國多年歸未遂因逢此地憶吾廬

唐詩類苑 卷之八十九
商山贈隱者

黃滔

誰不相逢話息機
九重城裏自依依
蓬萊水淺有人
說商洛山高無客歸
數隻珍禽寒月在
千株古木熱
時稀西牕昨夜鳴
蛩盡知夢芝翁起扣扉

唐詩類苑卷第八十九終

唐詩類苑卷第九十

明雲間張之象玄超甫纂輯

雲間陳繼儒仲醇甫編次

雲間王徹叔朗甫補訂

梁谿曹仁孫伯安甫校正

人部

隱逸

贈丹陽橫山周處士惟長 李白

周子橫山隱
開門臨城隅
連峯入戶牖
勝槩凌方壺
時枉白紵詞
放歌丹陽湖
水色傲溟渤
川光秀菰蒲

當其得意時心與天壤俱閑雲隨舒卷安識身有無
抱石耻獻主沈泉笑探珠羽化如可作相携上清都

贈張公洲革處士

李白

列子居鄭圃不將衆庶分革侯遁南浦常恐楚人聞
抱甕灌秋蔬心閒遊天雲每將瓜田叟耕種漢水濱
時登張公洲入獸不亂群井無桔槔事門絕刺繡文
長揖二千石遠辭百里君斯爲真隱者吾黨慕清芬

過緱山王處士黑石谷隱居

岑參

舊居緱山下偏識緱山雲處士久不還見雲如見君

別來逾十秋兵馬日紛紛青溪開戰場黑谷屯行軍
遂令巢由輩遠逐麋鹿群獨有南澗水潺湲如昔聞

贈閻丘處士

李白

賢人有素業乃在沙塘陂竹影掃秋月荷衣落古池
閒讀山海經散帙臥遙帷旦耽田家樂遂曠林中期
野酌勸芳酒園蔬烹露葵如能樹桃李爲我結茅茨

貽余處士

儲光義

故園至新浦遙復未百里北望是他邦紛吾卽遊士
潮來津門啓罷楫信流水客意乃成歡舟人亦相喜
遲遲菱荇上泛泛菰蒲裏漸聞商旅喧猶見鳧鷖起

市亭忽雲構方物如山峙吳王昔喪元隋帝又滅祀
停鱸一以眺太息興亡理秋苑故池田宮門新柳杞
我行苦炎月乃及清昊始此地日逢迎終思隱居子
莫言異舒卷形音在心耳

貽王處士子文

儲光義

春草生洞渚春風入上林春臯有黃鵠撫翮未傷音
王屋嘗嘉遁伊川復陸沈張弦鷓鷄弄閉室蓬蒿深
避地歌三樂遊山賦九吟大君思左右無乃化黃金

送王處士

白居易

王門豈無酒侯門豈無肉主人貴且驕待客禮不足

望塵而拜者朝夕走碌碌王生獨拂衣遐舉如雲鵠
寧歸白雲外飲水卧空谷不能隨衆人歛手低眉目
扣門與我別沽酒留君宿好去采薇人終南山正綠

贈宣州元處士

杜牧

陵陽北郭隱身世兩忘者蓬蒿三畝居寬於一天下
罇酒對不酌默與玄相話人生自不足愛嘆遭逢寡

送楊處士反初卜居曲江

楊炯

鴈門歸去遠垂老脫袈娑蕭寺休爲客曹溪便寄家
綠琪千歲樹黃檜四時花別怨應無限門前桂水斜

寄鏡湖朱處士

李頎

澄霽晚流闊微風吹綠蘋鱗鱗遠峯見淡淡平湖春
芳草日堪把白雲心所親何時可爲樂夢裏東山人

留別龔處士

李白

龔子棲閒地都無人世喧柳深陶令宅竹暗辟疆園
我去黃牛峽遙愁白帝猿贈君卷施草心斷竟何言

贈程處士

王績

百年長擾擾萬事悉悠悠日光隨意樂河水任情流
禮樂因姬旦詩書傳孔丘不如高枕上時取醉消愁

寄題方干處士

鄭谷

山雪照湖水漾舟湖畔歸松篁調遠籟臺榭發清輝

野岫分開徑漁家並掩扉暮年詩力在析句更幽微

送袁處士

劉長卿

閑田北川下靜者去躬耕萬里空江菼孤舟過郢城
種荷依野水移柳待山鶯出處安能問浮雲豈有情

送崔處士先適越

劉長卿

山陰好雲物此去又春風越鳥聞花裏曹娥想鏡中
小江湖易滿萬井水皆通徒羨扁舟客微官事不同

寄處士梁燭

張喬

賢哉君子風諷與古人同採藥楚雲裏移家湘水東
星霜秋野闊雨雹夜山空早晚相招隱深耕老此中

題華山麻處士

于鄴

貴賤各擾擾皆逢朝市間到此馬無跡始知君獨閑
冰破聽敷水雪時看華山西風寂寞地唯我坐忘還

尋劉處士

權德輿

幾年人不見林下掩柴關留客當清夜逢君話舊山
隔城寒杵急帶月早鴻還南陌雖相近其如隱者閑

夜尋盧處士

耿漳

月高鷄犬靜門掩向寒塘夜竹深茅宇秋庭冷石牀
住山年已遠服藥壽偏長虛棄如吾者過君益自傷

答裴處士二首

韋應物

遺民愛精舍乘犢入青山來署高陽里不遇日衣還
禮賢方化俗聞風自欵關沈子逸群士栖息蓬蒿間

二

春風駐遊騎晚景澹山暉一問清泠子獨掩荒園扉
草木雨來長里閭人到稀方從廣陵宴花落未言歸

浙右贈陸處士

曹松

靜節灌園餘得非成隱居長當庚子曰獨拜五經書
白浪吹亡國秋霜洗大虛門前是京口身外不營儲

贈胡處士

曹松

年光離岳色帶疾臥南原白日與無事俗人嗔閉門

唐詩卷之九十一
樵魚臨片水野鹿入荒園莫問榮華事清霜點髮根
春日尋漣川王處士
馬戴

碧草徑微斷白雲扉晚開罷琴松韻發鑿水月光來
宿鳥排花動樵童澆竹迴與君同露坐澗石拂青苔
寄富春孫路處士
項斯

平生醉與吟誰是見君心上國一歸去滄江閑至今
鐘繁秋寺近峯闊晚濤深疎放長如此何人長得尋
寄鏡湖方干處士
僧貫休

賀監舊山川空來近百年聞君與琴鶴終日在漁船
島霧深秋石湖澄半夜天雲門幾回去題偏好林泉

送耿處士

賈島

一瓶離別酒未盡即言行萬水千山路孤舟幾月程
川原秋色靜蘆葦晚風鳴迢遞不歸客人傳虛隱名
贈高處士
許渾

宅前雲水滿高興一書生垂釣有深意望山多遠情
夜棋畱客宿春酒勸僧傾未作干時計何人問姓名
尋戴處士
許渾

車馬長安道誰知大隱心蠻僧畱古鏡蜀客寄新琴
曬藥竹齋暖擣茶松院深思君一相訪殘雪似山陰
贈王處士
許渾

歸卧養天真鹿裘烏角巾茂陵閑久病彭澤醉長貧
冠蓋西園夜笙歌北里春誰憐清渭曲又老釣魚人

贈崔處士

李商隱

真人塞其內夫子入於機未肯投竿起唯歡負米歸
雪中東郭履堂上老萊衣讀偏先賢傳如君事者稀

寄方干處士

釋尚顏

格外綴清詩詩名獨得知閑居公道日醉臥牡丹時
海鳥和濤望山僧帶雪期仍聞禰處士聖主肯相違

贈鄭處士

温庭筠

飄然隨釣艇雲水是天涯紅葉下荒井碧梧侵古槎

醉收陶令菊貧賣邵平瓜更有相期處南籬一樹花

贈蔡處士

鄭谷

無著復無求平生不解愁鬻蔬貧淨潔中酒病風流
旨趣陶山相詩篇沈隱侯小齋江色裏籬柱繫漁舟

贈武處士

韋莊

一身唯一室高靜若僧家掃地畱疎影穿池浸落霞
綠蘿臨水合白道向村斜賣藥歸來醉吟詩倚釣查

過終南柳處士

盧綸

王老正相尋圍棋到煮金石催丹井閉月過洞門深
猿鳥三時下藤蘿十里陰綠泉多草氣青壁少花林

自愧非仙侶何言見道心
悠哉宿山口雷雨夜沈沈
暮春尋終南柳處士 李端

龐眉一居士鶉服隱堯時
種荳初成畝還丹舊日師
入溪花逕遠向嶺鳥行遲
紫葛垂苔壁青菰映柳絲
偶來塵外事暫與素心期
終恨遊春客同為歲月悲

過終南柳處士

司空曙

雲起山蒼蒼林居蘿薜荒
幽人老深境素髮與青囊
雨滌莓苔綠風搖松桂香
洞泉分溜淺巖筍出藂長
敗屨安松砌餘碁在石牀
書名一為別還路已堪傷

贈王處士

王建

松樹當軒雪滿池青山掩障
帳一作碧紗幬鼠來案下
長偷水鶴在牀前亦看棋
道士寫將行氣法家童授
與步虛詞世間有似君應
少便乞從今作我師

贈別晉三處士

高適

有人家住清河源渡河問我
遊梁園手持道經注已
畢心知內篇口不言盧門
十年見秋草此心惆悵誰
能道知己從來不易知
慕君為人與君好別時
九月桑葉疎出門千里
無行車愛君且欲君先
達今上求賢早上書

送許處士

張籍

高情自與俗人疎，獨向藍谿選僻居。
會到白雲長取醉，不能窻下讀閑書。

贈何處士

許渾

東別茅峯北去秦，梅仙書裏說知人。
白頭主印青山下，雖遇唐生不敢親。

送宋處士

許渾

賣藥修琴歸去遲，山風吹落桂花時。
世間甲子須臾

過

一作逢

逢着仙人莫看棋

宿鄆郊贈羅處士

李洞

川靜星高櫟已枯，南山落石水聲麤。
白雲釣客牕中

宿臥數嵩峯聽五湖

題玉笥山強處士

方干

酒裏藏身巖裏居，刪繁自是一家書。
世人呼爾爲漁叟，爾學鈎璜非釣魚。

贈梅處士

張籍

早聞聲價滿京城，頭白江湖放曠情。
講易自傳新註義，題詩不着舊官名。
近移馬跡山前住，多向牛頭寺裏行。
天子如今議封禪，應將束帛請先生。

寄梅處士

張籍

擾擾人間是與非，官閑自覺省心機。
六行班裏身常

下九列符中事亦稀市客慣曾賒賤藥家童驚見着
新衣君今獨得居山樂應喜多時未辦歸

贈鄭讜處士

李商隱

浪跡江湖白髮新浮雲一片是吾身寒歸山觀隨棋
局暖入汀州逐釣綸越桂留烹張翰繪蜀薑供煮陸
機尊相逢一笑憐疎放他日扁舟有故人

贈鄭處士

許渾

道傍年少莫矜誇心在重霄鬢未華楊子可曾過北
里魯人何必敬東家寒雲曉散千峯雪暖雨晴開一
逕花且賣湖田釀春酒與君書劍是生涯

寄李處士

秦韜玉

呂望甘羅道已彰只憑時數爲門張世塗必竟皆應
定人事都來不在忙要路強干情本薄舊山歸去意
偏長因君指似封侯骨漸擬回頭別醉鄉

送元處士遊天台

朱慶餘

青冥路口絕人行獨與僧期上赤城樹列烟嵐春更
好溪藏冰雪夜偏明空山雉禾苗短野館風來竹
氣清若過石橋看瀑布不妨高處便題名

寄落星史虛白處士

伍喬

白雲峯下古溪頭曾與提壺爛熳遊登閣共看彭蠡

浪圍爐回憶杜陵秋棋玄不厭通宵筭句妙多容隔
歲酬別後相思時一望暮山空碧水空流

贈中巖王處士

方干

垂楊裊裊草芊芊氣象清虛學洞天援筆便成鸚鵡
賦洗花須用桔槔泉商於在世堪同日渭曲逢時必
今年直恐剛腸間未得醉吟爭鬧被才牽

寄毘陵魏處士朴

皮日休

文籍先生不肯官絮巾衝雪把魚竿一堆方冊爲侯
印三級幽巖是將壇醉少最因吟月冷瘦多偏爲臥
雲寒兔皮衾暖蓬舟穩欲共誰遊七里灘

奉和寄毘陵魏處士朴

陸龜蒙

經苑初成墨沼開何人林下肯尋來若非宗測圖山
後卽是韓康賣藥回溪籟自吟朱鷺曲沙雲還作白
鷗媒唯應地主公田熟時送君家麩葉材

寄贈孫路處士

鄭谷

平生詩譽更誰過歸老東吳命若何知己凋零垂白
髮故園寥落近滄波酒醒蘚砌花陰轉病起漁舟鷺
跡多深入富春人不見閑門空掩半庭莎

寄贈楊夔處士

鄭谷

結茅祗約釣魚臺濺水鷓鴣去又回春臥甕邊聽酒

唐詩類苑 卷之九十一
熟露吟庭際待花開吳江勝景遨遊遍百氏群書講
貫來國步未安風雅薄可能高尚揆天才

贈黃處士

方干

閉戶先王無是非竹灣松樹藕苗衣愁吟密雪思難
盡醉倒殘花臥不歸若出薜蘿迎鶴簡應拋舴艋別
漁磯到頭苦節終何益空改文星作少微

贈錢塘湖上唐處士

方干

我愛君家自洞庭衝灣發岸夜波聲蟾蜍影裏清吟
苦舴艋舟中白髮生常共酒杯爲伴侶復聞紗帽見
公卿莫言舉世無知己自有孤雲識此情

送鄭台處士歸絳巖

方干

榮啓先生挾琴去厭尋靈勝憶巖棲白猿垂樹牕邊
月紅鯉驚釣竹外溪慣採藥苗資素饌曾書蕉葉寄
新題古賢猶愴河梁別未可忽忽便解携

贈南嶽馮處士二首

曹唐

白石溪邊自結廬風泉滿院稱幽居鳥啼深樹斲靈
藥花落閑牕看道書烟嵐晚過鹿裘濕水月夜明山
舍虛支頤冷笑緣名出終日王門強曳裾

寂寥深木閉烟霞洞裏相知有幾家笑看潭魚吹水
沫醉噴溪鹿喫蕉花穿厨歷歷泉聲細繞屋悠悠樹

唐詩類苑 卷之九十一
影斜夜靜著灰封釜竈自添文武養丹砂

春日訪李十四處士

溫庭筠

花深橋轉水潺潺用里先生自閉關看竹已知行處
好望雲空得暫時閑誰言有策看經世自是無錢可
買山一局殘棋千點雨綠萍池上暮方還

送包處士

李 洞

秋思枕月卧瀟湘寄宿慈恩竹裏房性急却於棋上
慢身閑未免藥中忙休拋手網驚龍睡曾挂頭巾拂
鳥行聞說石門君舊隱寒風濺瀑攘書堂

贈盧徵君昆弟

李 白

按盧徵君名鴻字顥然玄宗開元初備禮徵再不
至五年再詔徵至東都謁見拜諫議大夫固辭制
許還山賜隱居服官營草堂及卒帝賜萬錢鴻所
居室自號寧極云

明王訪賢逸雲泉今已空二盧竟不起萬乘高其風
河上喜相得壺中趣每同滄洲卽此地觀化遊無窮
水落海上清鼇背覩方蓬與君弄倒景携手凌星虹

答田徵君

宋之問

山遊杳何處遲回伊洛間歸寢終成夢宛在嵩丘山
贈秦系徵君

劉長卿

群公誰讓位五柳獨知貧惆悵青山路烟霞老此人
口號贈徵君鴻

李白

陶令辭彭澤梁鴻入會稽我尋高士傳君與古人齊
雲臥留丹壑天書降紫泥不知楊伯起早晚向關西
贈錢徵君少陽

李白

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭水獵猶可帝王師

送孔徵士

權德輿

谷口山多處君歸不可尋家貧清史在身老白雲深
掃雪開松徑疏泉過竹林余生負丘壑相送亦何心

題贈平泉韋徵君拾遺

白居易

箕穎千年後唯君得古風仕留丹陛下身入白雲中
躁靜心相背高低跡不同籠鷄與梁燕不信有冥鴻
贈別沈四逸人

高適

沈侯未可測其况信浮沈十載常獨坐幾人知此心
乘舟蹈滄海買劍投黃金世務不足煩有田西山岑
我來遇知己遂得開清襟何意閩閩間沛然江海深
疾風掃秋樹濮上多鳴砧耿耿尊酒前聯鴈飛愁音
平生重離別感激對孤琴

送盧逸人

李頎

洛陽爲此別攜手更何時不復人間見
祇應海上期
清溪入雲木白首臥茅茨
共惜盧敖去天邊望所思

送朱逸人

皇甫冉

時人多不見出入五湖間
寄酒全吾道移家愛遠山
更看秋草暮欲共白雲還
雖在風塵裏陶潛身自閒

贈陳逸人

朱慶餘

樂道辭榮祿安居桂水東
得閑多事外知足少年中
藥圃無凡草松庭有素風
朝昏吟步處琴酒與誰同

送孫逸人

賈島

衣履猶同俗妻兒亦宛然
不餐能累月無病已多年

是藥皆諳性令人漸信仙
杖頭書數卷荷入翠微烟

寄華嶽孫逸人

李商隱

靈嶽幾千仞老松逾百尋
攀崖仍躡壁噉葉復眠陰
海上呼三島齋中戲五禽
唯應逢阮籍長嘯作鸞音

和孟逸人林下道情

賈島

四時相陶鑄中庸道豈銷
夏雲生此日春色盡今朝
陋巷貧無悶毗耶疾未調
已栽天末栢合抱豈非遙

寄邢逸人

鄭常

羨君無外事日與世情稀
地僻人難到溪深鳥自飛
儒衣荷葉老野飢藥苗肥
疇昔江湖意如今憶共歸

贈盧逸人

僧善生

高眠巖野間至藝敵應難詩苦無多首藥靈惟一丸
引泉魚落釜攀果露沾冠已得嵇康趣逢迎事每闌

寄陳陶處士

釋尚顏

鍾陵城外住喻侶玉沈泥道直貧嫌殺神清語亦低
雪深加酒債春盡減詩題記得曾遊宿山茶又更携

寄劉逸士

釋尚顏

無愁無累者偶向市朝遊此後乘孤艇依前入亂流
高眠歌聖日下釣坐清秋道不離方寸而能混俗求

玄都壇歌寄元逸人

杜甫

故人昔隱東蒙峯已佩含景蒼精龍故人今居子午
谷獨在陰崔結茅屋屋前太古玄都壇青石漠漠常
風寒子規夜啼山竹裂王母晝下雲旗翻知君此計
誠長往芝草琅玕日應長鉄鑊高垂不可攀致身福
地何蕭爽

東湖送朱逸人歸

劉長卿

山色湖光併在東扁舟歸去有樵風莫道野人無外
事開田鑿井白雲中

送張逸人

鄭谷

人間疎散更無人浪兀孤舟酒兀身蘆筍鱸魚拋不

唐詩類苑 卷之九十一
得五陵珍重五湖春

贈段逸人

張蠙

長筇自擔藥兼琴話着名山卽擬尋從聽世人權似
火不能燒得臥雲心

寄南城韋逸人

羅隱

杜甫詩中韋曲花至今無賴尚家家美人晚折露沾
袖公子醉時香滿車萬里丹青傳不得二年風雨悵
無涯羨他南澗高眠客春去春來住物華

寄喬逸人

羅隱

南經湘浦北揚州別後風帆度幾游春酒誰家禁爛

慢野花何處最淹留欲憑尺素邊鴻懶未定雕梁海
燕愁長短此行須入手更饒君占一年秋

題袁溪張逸人所居

羅隱

蒲梢健健燕差差數里溪光日落時芳樹文君機上
錦遠山孫壽鏡中眉鷄牕夜靜開書卷魚檻春深展
釣絲若使浮名拘絆得世間何處有男兒

送張逸人

羅鄴

自說歸山人事賒素琴丹竈是生涯牀頭殘藥鼠偷
盡溪上破門風擺斜石井晴垂青葛葉竹籬荒映白
茅花遙知此去應稀出獨臥晴牕夢曉霞

宋中遇林慮楊十七山人因而有別

高適

昔余涉漳水驅車行鄴西遙見林慮山蒼蒼曼天倪
 邂逅逢爾曹說君彼巖棲蘿徑垂野蔓石房倚雲梯
 秋韭何青青藥苗數百畦栗林隘谷口枯樹森迴溪
 耕耘有山田紡績有山妻人生苟如此何必組與珪
 誰謂遠相訪曩情殊不迷簷前舉醇醪竈下烹隻鷄
 朔風忽振蕩昨夜寒螿啼遊子益思歸罷琴傷解携
 出門盡原野白日黯已低始驚道路難終念言笑睽
 因聲謝岑壑歲暮一攀躋

送郭處士往萊蕪兼寄苟山人

高適

君為東蒙客往來東蒙畔雲臥臨嶧陽山行窮日觀
 少年詞賦皆可聽秀眉白面風清冷身上未嘗染名
 利口中獨未知羶腥今日還山意無極豈辭世路多
 相識歸見萊蕪九十翁為論別後長相憶

寄弄月溪吳山人

李白

嘗聞龐德公家住洞湖水終身棲鹿門不入襄陽市
 夫君弄明月滅景清淮裏高蹤邈難追可與古人比
 清揚杳莫覩白雲空望美待號辭人間携手訪松子

送李山人往湘中

黃滔

漢渚往湘川乘流入遠天
新秋無岸水明月有琴船
露坐應通曉萍居恐隔年
嶽峯千萬仞知上嘯猿巔

送蔡山人

李白

我本不棄世世人自棄我
一乘無倪舟八極縱遠拖
燕客期躍馬唐生安敢譏
採珠勿驚龍大道可暗歸
故山有松月遲爾翫清暉

寄山中人

温庭筠

月中一雙鶴石上百尺松
素琴入爽籟山酒和春容
幽瀑有時斷片雲無所從
何事蘇門坐携手東南峯

寄任山人

錢起

天階崇黼黻世路有趨競
獨抱中孚爻誰知苦寒詠
行潦難朝海散材空遇聖
豈無鳴鳳時其如問津命
所思青山郭再夢綠蘿逕
林泉春可遊羨爾得其性

贈別褚山人

高適

携手贈將行山人道姓名
光陰蘇子訓才術褚先生
墻上梨花白罇中桂酒清
洛陽無二價猶是暮風聲

春日訪山人

戴叔倫

遠訪山中客分泉謾煮茶
相携林下坐共惜鬢邊華
歸路逢殘雨沿溪見落花
候門童子問遊樂到誰家

贈王鳳二山人

李洞

山兄望鶴信山弟聽烏占養藥同開鼎休棋各枕奩
相逢九江底共到五峯尖願許為三友羞將白髮擗

贈唐山人

李洞

垂鬚長似髮七十色如鬢醉眼青天小吟情太華低
千年松遶屋半夜雨連溪一作房烘離海日舟陷落潮泥邛蜀路無

限往來琴獨自一作携

送侯山人赴會稽

崔峒

仙客辭蘿月東來就一官且歸滄海住猶向白雲看
猿叫江天暮蟲聲野浦寒時遊鏡湖裏為我把魚竿

禁中送任山人

李泌

子去非長往君恩取大還補天留綵石縮地入青山
獻壽千年外來朝數月閑莫拋殘藥物切欲駐童顏

贈殷山人

李遠

有客抱琴宿值予多怨懷啼烏絃易斷嘯鶴調難諧
曲罷月移幌韻清風滿齋誰能將此妙一為奏金堦

賣藥人處得南陽朱山人書

皇甫冉

賣藥何為者逃名市井居唯通遠山信因致逸人書
已報還丹効全將世事疎秋風景溪裏蕭散寄樵漁

贈韋山人

耿 漳

失意成逋客經年獨掩扉無機狎鷗慣多病見人稀
流水知行藥孤雲伴採薇空齋莫間笑心事與時違

贈鄭山人

皇甫冉

白首滄洲客陶然得此生龐公採藥去萊氏與妻行
乍見還州里全非隱姓名枉帆臨海嶠貰酒秣陵城
伐木吳山曉持竿越水清家人恣貧賤物外任衰榮
忽爾辭林壑高歌至上京避喧心已慣念遠夢頻成
石路寒花發江田臘雪明玄纁儻有命何以遂躬耕

贈殷山人

張 籍

鬱鬱山中客知名四十年恓惶身獨隱寂寞性應便
世業公侯籍生涯黍稷田藤懸讀書帳竹繫網魚船
已種千頭橘新開數脉泉閑遊携酒遠出語向僧偏
入洞題松過看花選石眠避喧長汨沒逢勝卽畱連
自古多高跡如君少比肩耕耘此辛苦章句已流傳
昔日交遊盛當時省閣賢同袍還共弊連轡每推先
講序居重席群儒願執鞭滿堂虛左待衆目望喬遷
才異時難用情高道自全畏人顏慘澹疎物勢迥遭
賢者聞知命吾生復禮玄深藏報恩劔久降養生篇
憔悴衆夫笑經過郡守憐夕陽悲舊鶴霜氣動饑鷗

唐詩類苑 卷之九十一
處士誰能薦窮途世所捐伯鸞堪寄食元叔苦無錢
策蹇秋塵裏吟詩黃葉前故裘餘白領廢瑟斷朱絃
志氣終猶在逍遙任自然家貧念婚嫁身老戀雲烟
放逸棲巖鹿清虛飲露蟬鄭逃秦谷口嚴愛越溪邊
霄漢予猶阻榮枯子不牽山城一相遇感激意難宣

送蔡山人

高適

東山布衣明古今自言獨未逢知音識者閱見一生
事到處豁然千里心看書學劍長辛苦近日方思謁
明主斗酒相留醉復醒悲歌數年淚如雨丈夫遭遇
不可知買臣主父皆如斯我今蹭蹬無所以看爾崩
騰何若爲

別楊山人

高適

不到嵩陽動十年舊時心事已徒然一二故人不復
見三十六峯猶眼前夷門二月柳條色流鶯數聲淚
沾臆鑿井耕田不我招知君以此忘帝力山人好去
嵩陽路惟余眷眷長相憶

寄西嶽山人李岡

岑參

君隱處當一星蓮花峯頭飯黃精仙人掌上演丹經
鳥可到人莫攀隱來十年不下山袖中知書誰爲遠
華陰道士賣藥還

山人勸酒

李白

蒼蒼雲松落落綺皓春風爾來為阿誰蝴蝶忽然滿
芳草秀眉霜雪顏桃花骨清髓綠長美好稱是秦時
避世人勸酒相歡不知老各守麋鹿志耻隨龍虎爭
歛起佐太子漢皇乃復驚顧謂戚夫人彼翁羽翼成
歸來商山下泛若雲無情舉觴酬巢由洗耳何獨清
浩歌望嵩嶽意氣還相傾

憶金鵝山沈山人二首

盧仝

君家山頭松樹風適來入我竹林裏一片新茶破鼻
香請君速來助我喜莫合九轉大還丹莫讀二十六

部大洞經閑來共我說真意齒下領取真長生不須
服藥求神仙神仙意智或偶然自古聖賢放入土淮
南鷄犬驅上天白日上昇應不惡藥成且輒一丸藥
暫時上天少問天地虵頭蝎尾誰安著

君愛鍊藥藥欲成我愛鍊骨骨已清試自比較得仙
者也應合得天上行天門九重高崔嵬清空鑿出黃
金堆夜义守門晝不啓夜半醮祭夜半開夜义喜懽
動關鎖鎖聲掣地生風雷地上禽獸重血食性命血
化飛黃埃太上道君蓮花臺九門隔闔安在哉嗚呼
沈君大藥成兼須巧會兒物情無求長生喪厥生

贈金鵝山人沈師魯

盧仝

金鵝山中客來到楊州市買藥牀頭一破顏
撒然便有上天意日月高挂玄關深金膏切
淬肌骨異人皆食穀與五味獨食太和陰陽
氣浩浩流珠走百關綿綿若存有深致種玉
不耕山外非內粹鑿儒關決文杲彰風雅因
君不復墜光不外照刃不磨迴避人間惡富
貴三日四日五六日盤礴化元搜萬類晝飲
興酣陶天和夜話造微精魅示我插血不死
方賞我風格不肥臆肉眼不識天上書小儒
安敢窺奧秘崑崙路隔西北天三山後浮不
着地君到頭上憶我時

金簡爲吾鑄一字

金逸人歌贈李山人

張楚

上有堯兮下有由眠嵩陽兮漱潁流其貌古
其心幽浩歌一曲兮林壑秋道險可驚兮人
莫用樂天知命兮守巖洞時擊磬兮嗟鳴鳳
吾欲知往古之不可追目悠悠於兀夢

寄孫山人

儲光羲

新林二月孤舟還水滿清江花滿山借問故
園隱君子時時來往住人間

送張山人

朱放

唐言類苑 卷之九十一
知君住處足風烟古寺荒村在眼前便欲移家逐君
去唯愁未有買山錢

贈強山人

郎士元

或掉輕舟或杖藜尋常適意釣前溪草堂竹徑在何
處落日孤烟寒渚西

寄朱闕二山人

張籍

爲箇朝章束此身眼看東路去無因歷陽舊客今應
少轉憶隣家二老人

贈韓山人

盧綸

見君何事不慙顏白髮生來未到山更嘆無家又無

藥往來唯在酒徒間

題李山人

白居易

厨無烟火室無妻籬落蕭條屋舍低每日將何療饑
渴井華雲粉一刀圭

春日過田明府遇焦山人

蘇廣文

陶公歸隱白雲溪買得春泉溉藥畦夜靜林間風虎
嘯月明竹上露禽棲陳倉邑吏驚烽火太白山人訝
鼓鼙相見只言秦漢事武陵溪裏草萋萋

贈徐山人

李洞

徐生何代降坤維曾伴園公採紫芝瓦礫變黃憂世

唐詩類苑 卷之九十一
三五
換髭鬚放白怕人疑山房古竹麤於樹海島靈童壽
等龜知歎有唐三百載光陰未抵一先棋

贈徐山人

戴叔倫

亂餘山水半凋殘江上逢君春正闌針自指南天宵
宵星猶拱北夜漫漫漢陵帝子黃金盃晉代神仙白
玉棺回首風塵千里別故園烟雨五峰寒

送曲山人之衡州

司空曙

白石先生眉髮光已分甜雪飲紅漿衣巾半染烟霞
氣語笑兼和藥草香茅洞玉聲流暗水衡山碧色映
朝陽千年城郭如相問華表峨峨有夜霜

贈顓頊山人

劉滄

浩氣含真玉片輝著書精義入玄微洛陽紫陌幾曾
醉少室白雲時一歸松雪月高唯鶴宿烟嵐秋霽到
人稀知君濟世有長策莫問滄浪隱釣磯

贈牛山人

賈島

二十年中餌茯苓致書半是老君經東都舊住商人
宅南國新修道士亭鑿石養蜂休買蜜坐山秤藥不
爭星古來隱者多能卜欲就先生問丙丁

贈王山人

許渾

貫酒携琴訪我頻始知城市有閑人君臣藥在寧憂

病子母錢成豈患貧年長每勞推甲子夜寒初共守
庚申近來聞說燒丹處玉洞桃花萬樹春

貽李山人

黃滔

野步愛江濱江僧得見頻新文無古集往事有清塵
松竹寒時雨池塘勝處春定應雲雨內陶謝是前身

題石山人

白居易

騰騰兀兀在人間貴賤賢愚盡往還羶膩筵中唯飲
酒歌鍾會處獨思山存神不許三尸住混俗無妨兩
鬢班除却餘杭白太守何人更解愛君閑

送徐山人歸睦州舊隱

雍陶

君在桐廬何處住草堂應與戴家鄰初歸山犬翻驚
主久別江鷗却避人終日欲爲相逐計臨時空羨獨
行身秋風釣艇遙相憶七里灘西片月新

贈五牙山人洗脩白

方干

變通唯在片時閑此事全由一粒丹莫取壽長延至
易如嫌地遠縮何難先生闊別能輕舉弟子纔來學
不餐篋裏生塵是閑藥外沾猶可救衰殘

幽人

杜甫

孤雲亦羣遊神物有所歸麟鳳在赤霄何當一來儀
往與惠詢輩中年滄洲期天高無消息棄我忽若遺

內懼非道流幽人在瑕疵洪濤隱語笑鼓枻蓬萊池
崔嵬扶桑日昭曜珊瑚枝風帆倚翠蓋暮把東皇衣
嚙嗽元和津所思烟霞微知名未足稱局促南山芝
五湖復浩蕩歲暮有餘悲

幽人

李商隱

丹竈三年火蒼崖萬歲藤樵歸說逢虎棋罷正畱僧
星斗同秦分人烟接漢陵東流清渭苦不盡照衰興

贈泗口苗居士

鄭谷

歲宴樂園林維摩契道心江雲寒不散庭雪夜方深
酒勸漁人飲詩憐稚子吟四郊多壘日勉我捨朝簪

題王居士

許渾

筇杖倚柴關都城賣卜還雨中耕白水雲外斲青山
有藥身長健無機性自閑卽應生羽翼華表在人間

題杜居士

許渾

松偃石牀平何人識姓名溪冰寒棹響巖雪夜牕明
機盡心孤伏神閑意馬行應知此來客身世兩無情

寄廬山樛衣居士

韋應物

兀兀山行無處歸山中猛虎識樛衣俗客欲尋應不
遇雲溪道士見猶稀

敷溪高士

鄭谷

唐言類苑 卷之九十一
敷溪南岸掩柴荆挂却朝衣愛靜名閑得園林栽樹
法喜聞兒姪讀書聲眠牕日暖添幽夢步野風清散
酒醒謫去徵還何擾擾片雲相伴看衰榮

寄丹丘子

李白

聞丹丘子於城北營石門幽居中有高風遺跡僕
離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君
思君楚水南望君淮水北夢魂雖飛來會面不可得
疇昔在嵩陽同衾卧羲皇綠蘿笑簪紱丹壑羨巖廊
晚途各分析乘興任所適僕在鴈門關君爲峨眉客

心懸萬里外影滯兩鄉隔長劍復歸來相逢洛陽陌
陌上何喧喧都令心意煩迷津覺路失託勢隨風翻
以茲謝朝列長嘯歸故園恣閑遊求古散縹帙
久欲入名山婚娶殊未畢人生信多故世事豈惟一
念此憂如焚悵然若有失聞君卧石門宿昔契彌敦
方從桂樹隱不羨桃花源高風起遐曠幽人跡復存
松風清瑤瑟溪月湛芳樽安居偶佳賞丹心期此論

贈參寥子

李白

白鶴飛天書南荆訪高士五雲在現山果得參寥子
骯髒辭故園昂藏入君門天子分玉帛百官接話言

唐詩卷之九十一
毫墨時灑落探玄有奇作者論窮天人千春秘麟閣
長楫不受官拂衣歸林巒余亦去金馬藤蘿同所攀
相思在何處桂樹青雲端

盧郎中雲夫寄示送盤谷子詩兩章歌以和

之

韓愈

昔尋李愿向盤谷正見高崖巨壁爭開張是時新晴
天井溢誰把長劔倚太行衝風吹破落天外飛雨白
日灑洛陽東蹈燕川食曠野有饋木蕨芽滿筐馬頭
溪深不可厲借車載過水入箱平沙綠浪榜方口鴈
鴨飛起穿垂楊窮探極覽頗恣橫物外日月本不忙

歸來辛苦欲誰爲坐令再往之許墮眇芒閉門長安
三日雪推書撲筆歌慷慨旁無壯士遣屬和遠憶盧
老詩顛狂開緘忽覩送歸作字向紙上皆軒昂又知
李侯竟不顧方冬獨入崔嵬藏我今進退幾時決十
年蠢蠢隨朝行家請官供不報答何異雀鼠偷太倉
行抽手版付丞相不待彈劾還耕桑

訓裴雲客

元結

身厭久荒浪於時無所任耕釣以爲事來家樊水陰
甚醉或漫歌甚閑亦漫吟不知愚僻意稱得雲客心
雲客方持斧與人正相臨符印隨坐起守位常森森

長言類苑 卷之九十一
縱能有相招豈暇來山林

遇冲和先生

高適

冲和生何代或謂遊東溟三命謁金殿一言拜銀青
自云多方術往往通神靈萬乘親問道六宮無敢聽
昔云限霄漢今來覩儀形頭戴鷓鴣鳥冠手搖白鶴翎
終日飲醇酒不醉復不醒猶憶鷄鳴山每誦西昇經
拊背念離別依然出戶庭莫見今如此曾爲一客星
贈劉先生閑居先生及第後爲進士居太清
宮又從戎而後歸
儲光義

高第後歸道乃居玉華宮逍遙人間世不異浮丘公
甘寢何秉羽出門忽從戎方將遊崑崙又欲小崆峒
進退旣在我歸來長安中焚香東海君侍坐西山童
善行無轍跡吾亦安能窮但見神色閑中心如虛空
期之此天老真德輔帝鴻

周先生

寥寥空山岑冷冷風松林流月垂鱗光懸泉揚高音
希夷周先生燒香調琴心神功盈三千誰能還黃金

贈丘先生

鄭巢

雲泉心不爽垂日坐柴關硯取簷前雨一作圖開異
國山原僧招過宿沙鳥伴長閑地與中峰近殘陽獨

不還

贈栢巖老人

錢起

日與麋鹿群賢哉買山叟龐眉忽相見避世一何久
林棲古崖曲野事佳春後瓠葉覆荆扉栗苞垂甕牖
獨歌還獨酌不耕亦不耦磽田隔雲溪多雨長稂莠
烟霞得情性身世同芻狗寄謝營道人天貞此翁有

擊磬老人

王昌齡

雙峯褐衣久一磬白眉長誰識野人意徒看春草芳

贈山老人

李端

白首獨一身青山為四隣雖行故鄉陌不見故鄉人

栢崖老人號無名先生男削髮女黃冠自以

雲泉獨樂命予賦詩

錢起

古也憂婚嫁君能樂性場一作道場長男棲月宇少女炫

霓裳問爾餐霞處春山芝桂旁鶴前飛九轉壺裏駐

三光與我開龍嶠披雲靜藥堂胡麻兼藻綠石髓隔

花香帝力言何有椿年喜漸長窅然高象外寧不傲

羲皇

贈太白老人

張籍

日觀東峯幽客住竹巾藤帶亦逢迎暗修黃籙無人
見深種胡麻共犬行洞裏仙家常獨往壺中靈藥自

唐詩類苑 卷之九十一
為名春泉四面遶茅屋日日唯聞杵臼聲

過野叟居

馬戴

野人閑種樹樹老野人前
居止白雲內漁樵滄海邊
呼兒採山藥放犢飲溪泉
自著養生論無煩憂暮年

空靈山應田叟

常建

湖南無村落山舍多黃茆
淳朴如太古其人居鳥巢
牧童唱巴歌野老亦獻嘲
泊舟問幾口言語皆啞咬
士俗不尚農豈暇論肥瘠
莫怪射禽獸浮客烹魚鮫
余亦采芘人獲麋今尚苞
敬君中國來願以克其庖
日入聞虎聞空山滿咆哮
懷人雖共安異域終難交

白水可洗心采薇可為穀
拽策背落日江風鳴稍稍

贈田叟

李商隱

荷蓀衰翁似有情相逢攜手遶村行
燒畬曉映遠山色伐樹暝傳深谷聲
鷗鳥忘機翻浹洽交親得路昧平生
撫躬道直誠感激在野無賢心自驚

紫溪翁歌

陸龜蒙

一丘之木其棲深也屋吾客不辱
一溪之石其居平也席吾勞以息
一竇之泉其音清也絃吾方在懸得
乎人得乎天吾不知所以然而然
先生側弁而賡之日采江之魚
今朝船有鱸采江之蔬兮暮筐有蒲左

唐詩類苑 卷之九十一
圖且書右琴與壺壽歟天歟貴歟賤歟歌闕而去

贈溪翁

王建

溪田借四隣不省解憂身看日和仙藥書符救病人
伴僧齋過夏中酒臥經旬應得丹砂一作霜力春來黑髮新

與李十二白同尋范十隱居

杜甫

李侯有佳句往往似陰鏗余亦東蒙客憐君如弟兄
醉眠秋共被携手日同行更想幽期處還尋北郭生
入門高興發侍立小童清落景聞寒杵屯雲對古城

向來吟橘頌誰與討尊羹不願論簪笏悠悠滄海情

送陳元初卜居麻源

僧靈一

欲向麻源隱能尋謝客踪空山幾千里幽谷第三重
巖宇寧須葺荷衣不待縫因君見往事為我謝喬松

靖安窮居

元稹

喧靜不由居遠近大都車馬就權門野人住處無名
利草滿空堦樹滿園

僻居酬友人

伍喬

僻居雖愛近林泉幽徑閑園任藓連向竹掩扉隨鶴
息就溪安石學僧禪古琴帶月音聲正山果經霜氣

唐言類考 卷之九十一 三四
味全多謝故交憐朴野隔雲時復寄佳篇

歲暇題茅茨

錢起

谷口逃名客歸來遂野心薄田供歲酒喬木待新禽
溪路春雲重山厨夜火深桃源應漸好仙客許相尋

送李十四山東遊

一作山人東遊

韋應物

聖朝有遺逸披膽謁至尊豈是留榮寵誓將救元元
權豪非所便書奏寢禁門高歌長安酒忠憤不可吞
歛來客河洛日與靜者論濟世翻小事丹砂駐精魂
東遊無復繫梁楚多大蕃高論動侯伯疎懷脫塵喧
送君都門野飲我林中樽立馬望東道白雲滿梁園

踟躕欲何贈空是平生言

贈鞏疇

鄭薰

密雪松桂寒書牕導餘清風撼冰玉碎階前琴磬聲
榻靜几硯潔帙散縑細明高論辰僧肇精言資羣生
立意加玄虛析理分縱橫萬化悉在我一物安能驚
江海何所動丘山常自平遲速不相閱後先徒起爭
鏡照各妍醜秤稱分重輕顏容寧入鑑銖兩豈關衡
蘊微道超忽剖證音冷冷紙上掣牢鍵舌端搖利兵
圓澈保真性客塵排妄情有住卽非住無行方是行
疎越捨吳典朱絃鄙秦箏淡薄貴無味羊斟慙大羹

厚言卷之九十一
洪遠包乾坤幽窅潛沈冥罔煩跬步舉頓達萬里程
廬遠尚莫曉隱留曾誤聽直須持妙說共詣毗耶城
酬楊北部員外暮宿琴堂朝躋書閣率爾見

贈之作

盧照隣

閑拂簷塵看鳴琴候月彈桃源迷漢姓松徑有秦官
空谷歸人少青山背日寒羨君栖隱處遙望在雲端

贈孟浩然

李白

吾愛孟夫子風流天下聞紅顏棄軒冕白首卧松雲
醉月頻中聖迷花不事君高山安可仰徒此揖清芬

澗南卽事

孟浩然

弊廬在郭外素產惟田園左右林野曠不聞城事喧
釣竿垂北澗樵唱入南軒書取幽棲事將尋靜者言

嚴陵釣臺貽行宮

許渾

故人天下定歸釣碧巖幽舊跡隨苔古高名寄水流
鳥喧群木晚蟬急衆山秋更待新安月憑君暫駐舟

贈任懶

張籍

未肯求科第深坊且隱居勝遊尋野客高卧看兵書
點藥醫閑馬分泉灌遠蔬漢庭無得意誰擬薦相如

酬李十六岐

王季友

鍊丹文武火未成賣藥販屨俱逃名出谷迷行洛陽

道乘流醉卧滑臺城城下故人久離怨一歡適我兩
家願朝飲杖懸沽酒錢暮餐囊有松花飯於何車馬
日憧憧李膺門館爭登龍千賓揖對江流水五經發
難如扣鐘下筆新詩行滿壁立談古人坐在席問我
草堂有臥雲知我山儲無儋石自耕自刈食為天如
鹿如麋飲野泉亦知世上公卿貴且養丘中草木年

湖山歌送許鳴謙 并序

皇甫冉

夫子隱者也耕於湖山之田孤雲無心飛鳥無跡
伯仲邕邕家人怡怡貞白之風旁行於澆俗矣始
惠然而去又翻然而歸春田雪餘具物繁殖結我

幽夢湖間一峯酒而歌歌之以送遠

湖中之山兮波上青桂颯颯兮雨冥冥君歸兮春早
滿山兮碧草晨春暮汲兮心何求澗戶巖扉兮身自
老東嶺西峯兮同白雲鷄鳴犬吠兮時相聞幽芳媚
景兮當嘉月踐石捫蘿兮恣超忽空山寂寂兮潁陽
人旦夕孤雲隨一身

春山三謁來

李涉

釣魚謁來春日暖松溪不厭舟行緩野竹初栽碧玉
長澄潭欲下青絲短昔人避世兼避仇暮栖雲外兼
悠悠我今無事亦如此赤鯉忽到長竿頭汎汎隨波

凡幾里碧沙如烟沙似砥瘦壁橫空怪石危山花關
日禽爭水有時帶月歸扣舷身閑自是漁家仙

山上竭來採新茗新花亂發前山頂瓊英動搖鍾乳
碧■叢高下隨崖嶺未必蓬萊有仙藥能向鼎中雲

漠漠越甌遙見裂鼻香欲覺身輕騎白鶴

採藥竭來藥苗盛藥生只傍行人徑世人重耳不重
目指似藥苗心不足野客住山三十載妻兒共寄浮
雲外小男學語便分別已辨君臣知匹配都市廣長
開大鋪疾來求者多相悞見說韓康舊姓名識之不
識先相怒

偶題

鄭雲叟

似鶴如雲一箇身不憂家國不憂貧擬將枕上日高
睡賣與世間榮貴人

偶吟

白居易

人生變改故無窮昔是朝官今野翁久寄形於朱紫
內漸抽身入蕙荷中無情水任方圓器不繫舟隨去
住風猶有鱸魚蓴菜興來春或擬往江東

逍遙詠

白居易

亦莫戀此身亦莫厭此身此身何足戀萬劫煩惱根
此身何足厭一聚虛空塵無戀亦無厭始是逍遙人

閑園即事寄贈韋侍御

蘇頲

結廬東城下直望江南山青靄遠相接白雲來復還
拂筵紅蘚上開謾綠條間物應春偏好情忘趣轉閑
憲臣饒美政聯事惜徂顏有酒空盈酌高車不可攀

常與大理丞裘公太府丞田公偶詣一所林

木尤勝因並坐其次相得甚歡遂賦詩焉

以詠其事

張九齡

方駕與吾友同懷不異尋偶逢池竹處便會江湖心
夏近林方密春餘水更深清華兩輝映閑步亦窺臨
蘋藻復佳色鳧鷖亦好音韶芳媚洲渚蕙氣襲衣襟
蕭散皆為樂徘徊徒所欽謂予成夙志歲晚共抽簪

與生公尋幽居處

張九齡

同方父厭俗相與事遐討及此雲山去宵然巖徑好
疑入武陵源如逢漢陰老清諧欣有得幽閑歛盈抱
我本玉堦侍偶訪金仙道茲焉求卜築所過皆神造
歲晚林始敷日晏崖方杲不種緣嶺竹豈植臨潭草
即途可淹留隨日成黼藻期為靜者說曾是終焉保

今為簡書畏祇令歸思浩

南山下舊居閑放

張九齡

祇役已云久乘閑返服初塊然屏塵事幽獨坐林間
清曠前山遠紛喧此地疎喬木凌青靄修篁媚綠渠
耳和繡翼鳥目暢錦鱗魚寂寞心還閉飄飄體自虛
興來命旨酒臨罷閱仙書但樂多幽意寧知有毀譽
尚想爭名者誰云要路居都忘下流歎傾奪竟何如

灞上閑居

王昌齡

鴻都有歸客偃卧滋陽村軒冕無枉顧清川照我門
空林網夕陽寒鳥赴荒園廓落時得意懷哉莫與言

庭前有孤鶴欲啄常翻翻為我銜素書弔彼顏與原
二君既不朽所以慰其冤

閑居

儲光義

薄遊何所愧所愧在閑居親故不來往中園時讀書
步欄滴餘雪春塘抽新蒲梧桐漸覆井時鳥自相呼
悠然念故鄉乃在天一隅安得如浮雲來往方須臾

閑居自題

白居易

門前有流水牆上多高樹竹逕遶荷池縈迴不餘步
波閑戲魚鼈風靜下鷗鷺寂無城市喧渺有江湖趣
吾廬在其上偃卧朝復莫洛下安一居山中亦慵去

時逢過客愛問是誰家住此是白家翁閉門終老處

湖上閑居

竇叅

避影將息陰自然知音稀向來深林中偶亦有所窺
飛鳥口銜食引鷓上高枝高枝但各有安知宜不宜
止止復何云物情何自私

閑居寄包何

錢起

去名即棲遁何必歸滄浪種藥幽不淺杜門喧自忘
林眠多曉夢鷓散驚初陽片雪幽雲至迴風隣果香
佳期碧天末惆悵紫蘭芳

春日閑居三首

白居易

陶云愛吾廬吾亦愛吾屋屋中有琴書聊以慰幽獨
是時三月半花落庭蕪綠舍上晨鳩鳴牕間春睡足
睡足起閑坐景晏方櫛沐今日非十齋庖童饋魚肉
饑來恣餐歡冷熱隨所欲飽竟快搔把筋骸無檢束
豈徒暢肢體兼欲遺耳目便可傲松喬何假杯中渌

二

廣池春水平羣魚恣游泳新林綠陰成衆鳥欣相鳴
時我亦瀟灑適無累與病魚鳥人則殊同歸於遂性
緬思山梁雉時哉感孔聖聖人不得所慨然歎時命
我今對麟羽取樂成謠詠得所乃得時吾生一何幸

三

勞者不覺歌歌其勞苦事逸者不覺歌歌其逸樂意
問我逸何如閑居多興味問我樂如何閑官少憂累
又問俸厚薄百千隨月至又問年幾何七十行欠二
所得皆過望省躬良可愧馬閑無羈絆鶴老有祿位
設自爲化工優饒只如是安得不歌詠默默受天賜

常樂里閑居偶題十六韻兼寄劉十五公輿

王十一起呂二炅呂四穎崔十八玄亮元

九稹劉三十二敦質張十五仲元時爲校

書郎

白居易

帝都名利場鷄鳴無安居獨有懶慢者日高頭未梳
工拙性不同進退迹遂殊幸逢太平代天子好文儒
小才難大用典校在秘書三旬兩入省因得養頑疎
茅屋四五間一馬二僕夫俸錢萬六千月給亦有餘
既無衣食牽亦少人事拘遂使少年心日日常晏如
勿言無知已躁靜各有徒蘭臺七八人出處與之俱
旬時阻談笑旦夕望軒車誰能讐校間解帶卧吾廬
牕前有竹翫門外有酒沽何以待君子數竿對一壺

閑居

白居易

空腹一盞粥饑食有餘味南簷半牀日暖卧因成睡

唐言類苑 卷之九十一
錦袍擁兩膝竹几支雙臂從旦直至昏身心亦無事
心足卽爲富身閑乃當貴富貴在此中何必居高位
君看裴相國金紫光照地心苦頭盡白纔年四十四
乃知高蓋車乘者多憂畏

昭國閑居

白居易

貧間日高起門巷晝寂寂時暑放朝叅天陰少人客
槐花滿田地僅絕人行跡獨在一牀眠清涼風雨夕
勿嫌坊曲遠近卽多牽役勿嫌祿俸薄厚卽多憂責
平生尚恬曠老大宜安適何以養吾真官閑居處僻

閑居

白居易

深閉竹間扉靜掃松下地獨笑晚風前何人知此意
看山盡日坐枕帙移時睡誰能從我遊使君心無事

閑居

白居易

肺病不飲酒眼昏不讀書端然無所作身意閑有餘
鷄栖籬落晚雪映林木疎幽獨已云極何必山中居
閑居偶吟招鄭庶子皇甫郎中

白居易

自哂此迂叟少迂老更迂家計一不問園林聊自娛
竹間琴一張池上酒一壺更無俗物到但與秋光俱
古石蒼錯落新泉碧縈紆焉用車馬客卽此是吾徒

唐詩類苑 卷之九十一
猶有所思人各在城一隅杳然愛不見搔首方踟躕
玄晏風韻遠子真雲貌孤誠知厭朝市何必憶江湖
能來小澗上一聽潺湲無

閑居贈友

韋應物

補吏多下遷罷歸聊自度園廬既蕪沒煙景空澹泊
閑居養痾瘵守素甘葵藿顏鬢日衰耗冠帶亦寥落
青苔已生路綠筠始分籜夕氣下遙陰微風動疎薄
草玄良見誚杜門無請託非君好事者誰來一作顧能
寂寞

幽居

韋應物

貴賤雖異等出門皆有營獨無外物牽遂此幽居情
微雨夜來過不知春草生青山忽已曙鳥雀繞舍鳴
時與道人偶或隨譙者行自當安蹇劣一作拙誰謂薄
世榮

閑居

高適

柳色驚心事春風厭索居方知一杯酒猶勝百家書

都中閑居

王美門

君王巡海內北闕下明臺雲物天中少煙花歲後來
河從御苑出山向國門開寂寞東居裏空留賈誼才

輞川閑居

王維

唐詩類苑 卷之九十一
一從歸白社不復到青門時倚簷前樹遠看原上村
青菰臨水映白鳥向山翻寂寞於陵子桔槔方灌園
輞川閑居贈裴秀才迪 王維

寒山轉蒼翠秋水日潺湲倚杖柴門外臨風聽暮蟬
渡頭餘落日墟里上孤煙復值接輿醉狂歌五柳前

閑居

常建

青苔常滿路流水復入林遠與市朝隔日聞鷄犬聲
寥寥丘中想渺渺湖上心嘯傲轉無欲不知成陸沈

閑居寄薛據

于良史

隱几讀黃老閑齋耳目清僻居人事少多病道心生

雨洗山林濕鷓鳴池館清晚來因廢卷行樂至西城

秋日閑居

僧修睦

是事不相關誰人似此閑卷簾當白晝移榻對青山
野鶴眠松上秋苔長雨間嶽僧頻有信昨日得書還

閑居

張籍

東城南北塵紫幘與朱輪盡說無多事能閑有幾人
唯教推甲子不信守庚申誰見衡門裏終朝自在貧

嘉會里閑居

韋莊

豈知城關內有地出紅塵草占一坊一作坊綠樹藏千
古春馬嘶遊寺客大吠探花人寂寂無鐘鼓槐行接

紫宸

閑居

李遠

塵事久相棄沈浮皆不知牛羊歸古巷燕雀遶疎籬
買藥經年曬留僧盡日蒸唯憂釣魚伴秋水隔波相

閑居即事

朱慶餘

深嶂多幽景閑居野興清滿庭秋雨過連夜綠苔生
石面橫琴坐松陰採藥行超然塵事外不似絆浮名

燕居

羊士諤

秋齋膏沐暇旭日照軒墀露重芭蕉葉香橘柚枝
簡書隨吏散寶騎與僧期報國得何力流年已覺衰

春日閑居三首

秦系

一似桃源隱時令過客迷礙冠門柳長驚夢院鶯啼
澆藥泉流細圍碁日影低舉家無外事共愛草萋萋

二

長謠朝復暝幽獨幾人知老鶴兼鷓弄叢篁帶笋移
白雲將袖拂青鏡出簷窺邀取漁家叟花間把酒卮

三

寂寂池亭裏軒窗間綠苔遊魚牽荇沒戲鳥數花催
小逕僧尋去高峰鹿下來中年曾屢辟多病復遲違

閑居二首

元稹

唐詩類苑 卷之九十一
九
掩淡洲煙白籬篩日脚紅江喧過雲雨船泊打頭風
艇子收魚市鴉兒噪荻叢不堪堤上立滿眼是蚊蟲

二

青衫經夏黥白髮望鄉稠雨冷新秋簟星稀欲曙樓
連鴻盡南去雙鯉本東流北信無人寄蟬聲滿樹頭

閑居寄苗發

司空曙

漸向浮生老前期竟若何獨身居處靜末夜坐時多
厭逐青林客休吟白雪歌支公有遺寺重與謝安過

閑居卽事

王建

老病貪光景尋常不下簾妻愁耽酒僻人怪考詩嚴

小婢偷紅紙嬌兒弄白髯有時看舊卷未免意中嫌

燕居卽事

韋應物

蕭條竹林院風雨叢蘭折幽鳥林上啼青苔人跡絕
燕居日已永夏木紛成結几閣積羣書時來北牕閱

閑居作

皇甫冉

多病辭官罷閑居作賦成圖書唯藥錄飲食止藜藿
學謝淹中術詩無鄴下名不堪趨建禮詎是厭承明
已輟金門步方從石路行遠山期道士高柳覓先生
性懶尤因疾家貧自少營鍾苗雖尚短穀價幸全輕
篇詠投康樂壺觴就步兵何人肯相訪開戶一逢迎

閑居自題戲招宿客

白居易

水畔竹林邊閑居二十年
 健常攜酒出病即掩門眠
 解綬收朝珮寒裳出野船
 屏除身外物擺落世間緣
 報曙窗何早知秋簟最先
 微風深樹裏斜日小窗前
 渠口添新石籬根寫亂泉
 欲招同宿客誰解愛潺湲

閑居寄端及重陽

韋應物

山明野寺曙鐘微
 雪滿幽林人跡稀
 閑居寥落生高興
 無事風塵獨不歸

長安閑居

白居易

風竹松煙晝掩關
 意中長似在深山
 無人不怪長安

住何獨朝朝暮暮閑

閑居雜題五首

以題十五字離合

陸龜蒙

鳴蜩早

閑來倚杖柴門口
 鳥下深枝啄晚蟲
 周步一池銷半日
 十年聽此鬢如蓬

野態真

君如有意耽田里
 予亦無機向藝能
 心跡所便唯是直
 人間聞道最先憎

松間斟

子山園靜憐幽木
 公幹詞清詠葦門
 月上風微瀟灑

唐言類及
甚斗醪何惜置盈樽

飲巖泉

已甘茅洞三君食
欠買桐江一朶山
巖子瀨高秋浪
白水禽飛盡釣舟還

當軒鶴

自笑與人乖好尚
田家山客共柴車
干時未似棲廬
雀鳥道間攜相爾書

奉和雜題五首

皮日休

晚秋吟

東臯煙雨歸耕日
免去玄冠手刈禾
火滿酒爐詩在

口今人無計奈儂何

好詩景

青盤香露傾荷女子墨
風流更不言寺寺雲蘿堪度
日京塵到死撲候門

醒聞檜

解洗餘醒晨半酉
星星仙吹起雲門
耳根莫厭聽佳
木會盡山中寂靜源

寺鐘暝

百緣斗數無塵土
寸地章煌欲布金
重擊蒲牢哈山
日冥冥煙樹覩棲禽

月言卷之九十一
砌思步

灑灑古薛繡危石切切陰螿應晚田心事萬端何處
止少夷峯下舊雲泉

洛下閑居寄山南令狐相公

白居易

已收身向園林下猶寄名於祿仕間不鍛嵇康彌懶
靜無金疎傳更貧閑支分門內餘生計謝絕朝中舊
往還唯是相君未忘得時思漢水夢巴山

閑居卽事

費冠卿

生計唯將三尺僮學它賢者隱墻東照眠夜後多因

月掃地春來祇籍風幾處旌旗驅戰士一園春草伴
衰翁子房先去孔明死更有何人解指縱

新昌閑居招楊郎中兄弟 白居易

槐花雨潤新眠翁忙少閑多誰與同但有雙松當砌
下更無一事到心胸金章紫綬看如夢皂蓋朱輪別
似空暑月貧家無所有客來唯贈北牕風

和劉評事未樂閑居見寄 李商隱

白社幽閑君暫居青雲器業我全疎看封諫草歸鸞
掖尚賁衡門待鶴書蓮聳碧峰關路近荷翻翠扇水
堂虛自探典籍忘名利欹枕時驚落蠹魚

閑居

白居易

風雨蕭條秋少客
門庭冷靜晝多關
金羈駱馬近賣
却羅袖柳枝尋
放還書卷畧尋聊
取睡酒杯淺把粗
開顏眼昏入夜休
看月脚重經春不
上山心靜無妨
喧處寂機忘兼覺
夢中閑是非愛惡
銷停盡唯寄空
身在世間

山中閑卧即事

蘇頌

息燕歸簷靜
飛花落院閑
不愁愁自若
誰道憶鄉關

秋涼閑卧

白居易

殘暑晝猶長
早涼秋尚嫩
露荷散清香
風竹含疎韻

幽閑竟日卧
衰病無人問
薄暮宅門前
槐花深一寸

閑卧寄劉同州

白居易

軟褥短屏風
昏昏醉卧翁
鼻香茶熟後
腰暖日暘中
伴老琴長在
迎春酒不空
可憐閑氣味
惟欠與君同

閑卧二首

白居易

薄食當齋戒
散班同隱淪
佛容為弟子
天許作閑人
唯置牀臨水
都無物近身
清風散髮卧
兼不要紗巾

二

盡日前軒卧
神閑境亦空
有山當枕上
無事到心中
簾卷侵牀日
屏遮入座風
望春春未到
應在海門東

閑眠

白居易

煖牀斜卧日曛腰一覺閑眠百病銷盡日一餐茶兩
椀更無所要到明朝

睡起晏坐

白居易

後亭晝眠足起坐春景暮新覺眠猶昏無思心正住
淡寂歸一性慮閑遺萬慮了然此時心無物可譬喻
本是無有鄉亦名不用處行禪與坐忘同歸無異路

北牕閑坐

白居易

虛牕兩叢竹靜室一爐香門外紅塵合城中白日忙
無煩尋道士不要學仙方自有延年術心閑歲月長

閑坐二首

白居易

婆娑放鷄犬嬉戲任兒童獨坐槐陰下開襟向晚風
漚麻池水裏睽棗日陽中人物何相稱居然田舍翁

二

煖擁紅爐火閑搔白髮頭百年慵裏過萬事醉中休
有室同摩誥無兒比鄧攸莫論身在日身後亦無憂

飽食閑坐

白居易

紅粒陸渾稻白鮮伊水魴庖童呼我食飯熱魚鮮香
筋筋適我口匙匙克我腸八珍與五鼎無復心思量
捫腹起盥漱下階振衣裳遶庭行數匝却上簷下牀

箕踞擁裘坐半身在日暘可憐飽煖味誰肯來同嘗
是歲大和入兵銷時漸康朝廷重經術草澤搜賢良
堯舜求理切夔龍啓沃忙懷才抱智者無不走遑遑
唯此不才叟頑慵戀洛陽飽食不出門閑坐不下堂
子弟多寂寞僮僕少精光衣食雖克給神意不揚揚
爲爾謀則短爲吾謀甚長

晚起閑行

白居易

皤然一老子擁裘仍隱几坐穩夜忘眠卧安朝不起
起來無可作閑日時叩齒靜對銅爐香煖漱銀瓶水
午齋何儉潔餅與蔬而已西寺請楞伽閑行一隨喜

洛陽堰閑行

白居易

洛陽堰上新晴日長夏門前欲暮春遇酒卽沽逢樹
歇七年此地作閑人

傍水閑行

裴度

閑餘何事覺身輕暫脫朝衣傍水行鷗鳥亦知人意
靜固來相近不相驚

閑行

白居易

五十年來思慮熟忙人應未勝閑人林園傲逸真成
實衣食單疎不是貧專掌圖書無過地遍尋山水自
由身儻年七十猶強健尚得閑行十五春

林下閑步寄皇甫庶子 白居易

扶杖起病初策馬立未任既懶出門去亦無客來尋
以此遂成閑閑步遶園林天曉煙景淡樹寒鳥雀深
一酌池上酒數聲竹間吟寄言東曹長當知幽獨心

春江閑步贈張山人 白居易

江景又妍和牽愁發浩歌晴砂金屑色春水翹塵波
紅簇交枝杏春含卷葉荷藉莎憐軟煖甜樹愛婆娑
書信朝賢斷知音野老多相逢不閑語爭柰日長何

春朝閑步 楊師道

見歲時部春

閑出 白居易

身外無羈束心中少是非被花留便住逢酒醉方歸
人事行時少官曹入日稀春寒遊正好穩馬薄綿衣

閑出 白居易

兀兀出門何處外新昌街晚樹陰斜馬蹄知意緣行
熟不向楊家即庾家

湖上閑望 白居易

藤花浪拂紫茸條菰葉風翻綠剪刀閑弄水芳生楚
思時時合眼詠離騷

閑適 白居易

唐詩卷之九十一
卷之九十一
一
祿俸優饒官不卑就中閑適是分司風光煖助遊行
處雨雪寒供飲燕時肥馬輕裘還且有麤歌薄酒亦
相隨微躬所要今皆得只是蹉跎得校遲

閑意

白居易

不爭榮耀任沈淪日與時疎共道親北省朋僚音信
斷東林長老往還頻病停夜食閑如社慵擁朝裘煖
似春漸老漸諳閑氣味終身不擬作忙人

閑遊二首

韓愈

雨後來更好繞池偏青青柳花閑度竹菱葉故穿萍
獨坐殊未厭孤斟詎能醒持竿至日暮幽詠欲誰聽

二

茲遊苦不數再到遂經旬萍蓋汙池淨藤籠老樹新
林鳥鳴訝客岸竹長遮鄰子雲祇自守奚事元衢塵

城中閑遊

劉禹錫

借問池臺主多居要路津千金買絕境未日屬閑人
竹逕縈紆入花林委曲巡斜陽衆客散空鎖一園春

閑遊

李建勳

攜酒復攜觴朝朝一似忙馬諳頻到路僧借舊眠牀
道勝他圖薄身閑白日長扁舟動歸思高處見滄浪

閑遊

李商隱

危亭題竹粉曲沼嗅荷花數日同攜酒平明不在家
尋幽殊未極得句總堪誇強下西樓去西樓倚暮霞

閑遊

白居易

外事因慵發中懷與靜期尋泉上山遠看笋出林遲
白石磨樵斧青竿理釣絲澄清深淺好最愛夕陽時

春末夏初閑遊江郭二首

白居易

閑出乘輕屐徐行蹋軟沙觀魚傍湓浦看竹入楊家
林迸穿籬笋藤飄落水花雨埋釣舟小風颺酒旗斜
嫩剥青菱角濃煎白茗芽淹留不知夕城樹欲栖鴉

二

柳影繁初合鶯聲澀漸稀早梅迎夏結殘絮送春飛
西日韶光盡南風暑氣微展張新小簟熨帖舊生衣
綠蟻杯香嫩紅絲餚縷肥故園無此味何必苦思歸

閑遊卽事

白居易

郊野遊行熟村園次第過驀山尋浥澗踏水渡伊河
寒食青青草春風瑟瑟波逢人共杯酒隨馬有笙歌
勝事經非少芳辰過亦多還須自知分不老擬如何

城東閑遊

白居易

寵辱憂歡不到情任他朝市自營營獨尋秋景城東
去白鹿原頭信馬行

與賈島閑遊

張籍

水北原南草色新
雪消風煖不生塵
城中車馬應無數
能解閑行有幾人

閑遊

張籍

終日不離塵土間
若為能見此身閑
今朝暫共遊僧語
更恨趨時別舊山

閑遊

張籍

老身不計人間事
野寺秋晴每獨過
病眼校來猶斷酒
却嫌行處菊花多

勉閑遊

白居易

天時人事常多故
一歲春能幾處遊
不是塵埃便風雨
若非疾病即悲愁
貧窮心苦多無興
富貴身忙不自由
唯有分司官恰好
閑遊雖老未能休

閑詠

白居易

步月憐清景
眠松愛綠陰
早年詩思苦
晚歲道情深
夜學禪多坐
秋牽興暫吟
悠然兩事外
無處更留心

自詠

白居易

隨宜飲食聊克腹
取次求裘亦暖身
未必得年非瘦薄
無妨長福是單貧
老龜豈美犧牲飽
蟠木曾爭桃李春
隨分自安心
自斷是非何用問
閑人

閑吟二首

白居易

留司老賓客春盡興如何官寺行香少僧房寄宿多
閑傾一盞酒醉聽兩聲歌憶得陶潛語羲皇無以過

二

閑遊來早晚已得一周年嵩洛供雲水朝廷乞俸錢
長歌時獨酌飽食後安眠聞道山榴發明朝向玉泉

閑吟

白居易

貧窮汲汲求衣食富貴營營役心力人生不富即貧
窮光陰易過閑難得我今幸在窮富間雖在朝廷不
入山看雪尋花翫風月洛陽城裏七年間

晏坐閑吟

白居易

昔為京洛聲華客今作江湖潦倒翁意氣銷磨羣動
裏形骸變化百年中霜侵殘鬢無多黑酒伴衰顏只
暫紅賴學禪門非想定千愁萬念一時空

閑樂

白居易

坐安卧穩輿平肩倚杖披衫遶四邊空腹三杯卯後
酒曲肱一覺醉中眠更無忙苦閑吟樂恐是人間自
在天

辭閑中好

白居易

閑中好盡日松為侶此趣人不知輕風僧語閑中

唐詩類苑 卷之九十一
好塵務不縈心坐對當牕木看移三
磬度鐘遲卷上論題筆盡中僧姓支
陰閑中好幽

營閑事

白居易

自笑營閑事從朝到日斜
澆畦引泉脉掃徑避蘭芽
暖變牆衣色晴催木筆花
桃根知酒渴晚送一甌茶

閑忙

白居易

奔走朝行內棲池林野間
多因病後退少及健時還
班白霜侵鬢蒼黃日下山
閑忙俱過日忙校不如閑

閑思

戴叔倫

伯勞東去鶴西還雲總無心亦度山
何似嚴陵灘上

客一竿長伴白鷗閑

楊六尚書頻寄新詩詩中多有思閑相就之
志因書鄙意用報而諭之

白居易

君年殊未及懸車未合將閑逐老夫
身健正宜金印綬位高方稱白髭鬚
若論塵事何由了但問雲心自在無
進退是非俱是夢丘中闕下亦何殊

樂靜

張祐

引手強簪巾徐徐起病身遠心羣野鶴
閑話對村人發匣琴微靜開瓶酒味真
縱聞兵賦急原憲本家貧

和陸司業習靜寄所知 張籍

幽室獨焚香
清晨下未央
山開登竹閣
僧到出茶堂
收拾新琴譜
尋封舊藥方
逍遙無別事
不似在班行

約心 白居易

黑鬢思雪侵
青袍塵土汙
兀兀復騰騰
江城一上佐
朝就高齋上
薰然負暄卧
晚下小池前
澹然臨水坐
已約終身心
長如今日過

自在 白居易

杲杲冬日光
明煖真可愛
移榻向陽坐
擁裘仍解帶
小奴搥我足
小婢搥我背
自問我為誰
胡然獨安泰

安泰良有以
與君論梗槩
心了事未了
饑寒迫於外
事了心未了
念慮煎於內
我今實多幸
事與心和會
內外及中間
了然無一礙
所以日陽中
向君言自在

晏起 白居易

鳥鳴庭樹上
日照屋簷時
老去慵轉極
寒來起猶遲
厚薄被適性
高低枕得宜
神安體穩煖
此味何人知
睡足仰頭坐
兀然無所思
如未鑿七竅
若都遺四肢
緬想長安客
早朝霜滿衣
各自適不知
誰是非

晚起 白居易

起晚憐春暖
歸遲愛月明
放慵長飽睡
聞健且閑行

北闕停朝簿西方入社名唯吟一句偈無念是無生
晚起
白居易

爛熳朝眠後頻伸晚起時暖爐生火早寒鏡裹頭遲
融雪煎香茗調酥點乳糜慵譏還自哂快活亦誰知
酒性溫無毒琴聲淡不悲榮公三樂外仍弄小男兒

晝寢

白居易

坐整白單衣起穿黃草屨朝餐盥漱畢徐下堦前步
暑風微變候晝刻漸加數院靜地陰陰鳥鳴新葉樹
獨行還獨卧夏景殊未暮不作午時眠日長安可度

晝卧

白居易

抱枕無言語空房獨悄然誰知盡日卧非病亦非眠

安穩眠

白居易

家雖日漸貧猶未苦饑凍身雖日漸老幸無急病痛
眼逢閑處合心向閑時用既得安穩眠亦無顛倒夢

日高卧

白居易

怕寒放懶日高卧臨老誰言牽率身夾幕繞房深似
洞重裯襯枕暖於春小青衣動挑根起嫩綠醅浮竹
葉新未裏頭前傾一盞何如衝雪趁朝人

睡起作

僧修睦

長空秋雨歇睡起覺精神看水看山坐無名無利身

唐詩類苑 卷之九十一
偈吟諸祖意茶碾去年春此外誰相識孤雲到砌頻
殘酌晚餐
白居易

閑傾殘酒後煖擁小爐時舞看新翻曲歌聽自作詞
魚香肥潑火飯細滑流匙除却慵饒外其餘盡不知

老慵

白居易

豈是交親向我疎老慵自愛閉門居近來漸喜知聞
斷免惱嵇康索報書

早出晚歸

白居易

早起或因攜酒出晚歸多是看花迴若拋風景長閑
坐自問東京作底來

不出門

白居易

彌月不出門未日無來賓食飽更拂牀睡覺一頻伸
輕箠白鳥羽新篔青箭筠方寸方丈室空然兩無塵
披衣腰不帶散髮頭不巾袒跣北窗下葛天之遺民
一日亦自足况得以終身不知天壤內目我爲何人

不出

白居易

簷前新葉覆殘花席上餘杯對早茶好是老身銷日
處誰人騎馬傍人家

不出門

白居易

不出門來又數旬將何消日與誰親鶴籠開處見君

唐言類考 卷之九十一
子書卷展時逢古人自靜其心延壽命無求於物長
精神能行便是真修道何必降魔調伏身

洛下卜居

白居易

三年典郡歸所得非金帛天竺石兩片華亭鶴一雙
飲啄供稻梁包裹用茵席誠知是勞費其柰心愛惜
遠從餘杭郭同到洛陽陌下擔拂雲根開籠展霜翮
貞姿不可雜高性宜其適遂就無塵坊仍求有水宅
東南得幽境樹老寒泉碧池畔多竹陰門前少人跡
未請中庶祿且脫雙驂易豈獨爲身謀安居鶴與石

所居

李商隱

牕下尋書細溪邊坐石平水風醒酒病霜日曝衣輕
鷄黍隨人設蒲魚得地生前賢無不謂容易卽遺名

端居

李商隱

遠書歸夢兩悠悠只有空牀敵素秋堦下青苔與紅
樹雨中寥落月中愁

春日獨酌二首

李白

東風扇淑氣水木榮春輝白日照綠草落花散且飛
孤雲還空山衆鳥各已歸彼物皆有託吾生獨無依
對此石上月長醉歌芳菲

我有紫霞想緬懷滄洲間思對一壺酒淡然萬事閒

唐言類文 卷之九十一
橫琴倚高松把酒望遠山長空去鳥沒落日孤雲還
但悲光景晚宿昔成秋顏

獨遊

王昌齡

林卧情每閑獨遊景常晏時從灞陵下隨釣往南澗
手攜雙鯉魚目送千里鴈悟彼非有適知此罹憂患
放之清冷泉因得省疎慢未懷青岑客迴首白雲澗
超然無遺事豈繁名與宦

獨遊

元稹

遠地難逢侶閑人且獨行上山隨老鶴接酒待殘鷺
花當西施面泉勝衛玠清鶉鷓滿春野無限好同聲

獨坐敬亭山

李白

衆鳥高飛盡孤雲獨去閑相看兩不厭只有敬亭山

獨坐

王績

問君尊酒外獨坐更何須有客談名理無人索地租
三男婚令族五女嫁賢夫百年隨分了未羨陟方壺

江畔獨步尋花七首

杜甫

江上被花惱不徹無處告訴只顛狂走覓南鄰愛酒
伴經旬出飲獨空牀

稠花亂葉衆江濱行步歎危實怕春詩酒尚堪驅使
在未須料理白頭人

唐詩類苑 卷之九十一
江深竹靜兩三家多事紅花映白花報答春光知有
處應須美酒送生涯

東望少城花滿煙百花高樓更可憐誰能載酒開金
盞喚取佳人舞繡筵

黃師塔前江水東春光懶困倚微風桃花一簇開無
主可愛深紅愛淺紅

黃四娘家花滿蹊千朵萬朵壓枝低留連戲蝶時時
舞自在嬌鶯恰恰啼

不是愛花即欲死只恐花盡老相催繁枝容易紛紛
落嫩葉商量細細開

獨覺

柳宗元

覺來牕牖空寥落雨聲曉良遊怨遲暮末事驚紛擾
爲問經世心古人誰盡了

獨行

白居易

聞誦黃庭經在口閑攜青竹杖隨身晚花新筍堪爲
伴獨入林行不要人

暇日獨處寄魯望

皮日休

幽慵不覺耗年光羣柄金徽亂一牀野客共爲賒酒
計家人同作惜書忙園蔬預遣分僧料廩粟先教筭
鶴糧無限高情好風月不妨猶得事吾王

奉和暇日獨處

陸龜蒙

謝府殷樓少暇時又拋清宴入書帷三千餘歲上下

古八十一家文字奇

司馬遷書上下紀三千餘歲太玄有八十一家率多奇字冷

夢漢臯懷鹿隱靜憐煙島覺鴻離知君滿篋前朝事
鳳諾龍奴借與窺

郡舍南有園畦雜樹聊以末日

張九齡

為郡久無補越鄉空復深苟能秉素節安用叨華簪
却步園畦裏追吾野逸心形骸拘俗吏光景賴閑林
內訟誠知止外言猶匪忱成蹊謝李逕衛足感葵陰

榮達豈不偉孤生非所任江城何寂歷秋樹亦蕭森
下有北流水上有南飛禽我願從歸翼無然坐自沈

遣書

元稹

密竹有清陰曠懷無塵滓况乃秋日光玲瓏曉牕裏
旬休聊自適今辰日高起櫛沐坐前軒風輕鏡如水
開卷恣詠謠望雲閑徒倚新菊媚鮮妍短萍憐羸靡
掃除田地靜摘掇園蔬美幽翫篋詩流空堂稱居士
客來傷寂寞我念遺煩鄙心跡兩相忘誰能驗行止

西閣曝日

杜甫

凜冽倦玄冬負喧嗜飛閣羲和流德澤顓頊愧倚薄

唐詩類苑 卷之九十一
毛髮具自和肌膚潛沃若太陽信深仁衰氣歛有託
欹傾煩注眼容易收病脚流離木杪猿翩僊山顛鶴
朋知若聚散哀樂日已作卽事會賦詩人生忽如昨
古來遭喪亂賢聖盡蕭索胡爲將暮年憂世心力弱
野老曝背
李頎
百歲老翁不種田惟知曝背樂殘年有時捫虱獨騷
首目送歸鴻籬下眠

三適贈道友

白居易

褐綾袍厚暖卧蓋行坐披紫氍履寬穩蹇步頗相宜
足適已忘履身適已忘衣况我心久適兼忘是與非
三適合爲一怡怡復熙熙禪那不動處混沌未鑿時
此固不可說爲君強言之

適意二首

白居易

十年爲旅客常有饑寒愁三年作諫官復多尸素羞
有酒不暇飲有山不得遊豈無平生志拘牽不自由
一朝歸渭上泛如不繫舟置心世事外無喜亦無憂
終日一蔬食終年一布裘寒來彌懶放數日一梳頭
朝睡足始起夜酌醉卽休人心不過適適外復何求

二

早歲從旅遊頗諳時俗意中年忝班列備見朝廷事

唐言類考 卷之九十一
作客誠已難爲臣猶不易况予方且介舉動多忤累
直道速我尤詭遇非吾志胸中十年內消盡浩然氣
自從返田畝頓覺無憂愧蟠木用難施浮雲心易遂
悠悠身與世從此兩相棄

懶放二首呈劉夢得吳方之

白居易

青衣報平旦呼我起盥櫛今早天氣寒郎君應不出
人無賓客至何以銷閑日已向微陽前暖酒開詩帙

二

朝憐一牀日暮愛一爐火牀暖日高眠爐温夜深坐

雀羅門懶出鶴髮頭慵裹除却劉與吳何人來問我

老來生計

白居易

老來生計君看取白日閑行夜醉吟陶令有田唯種
黍鄧家無子不留金人間榮耀因緣淺林下幽閑氣
味深煩慮漸消虛白長一年心勝一年心

琴茶

白居易

兀兀寄形羣動內陶陶任性一生間自拋官後春多
醉不讀書來老更閑琴裏知聞唯淥水茶中故舊是
蒙山窮通行止長相伴誰道吾今無往還

山讌月夜作

蕭穎士

獻書嗟棄置疲拙歸田園且事計然策將符公治言
桑榆清暮景鷄犬應遙村蠶罷里閭晏麥秋田野喧
澗聲連枕席峰勢入堦軒未奏東山妓先傾北海樽
隴瓜香早熟庭果落初繁更愜野人意農談朝竟昏

偶作

賈島

野步隨吾意那知是與非稔年時雨足閏月暮蟬稀
獨樹依岡老遙峰出草微園林自有主宿鳥且同歸

偶作

白居易

張翰一杯酒榮期三樂歌聰明傷混沌煩惱汗頭陀
簞冷秋生早堦閑日上多近來門更靜無雀可張羅

偶作

白居易

籃舁出卽忘歸舍柴戶昏猶未掩關聞客病時慙體
健見人忙處覺身閑清涼秋寺行香去和暖春城拜
表還木鴈一篇須記取致身才與不才間

睡覺偶吟

白居易

官初罷後歸來夜天欲明前睡覺時起坐思量更無
事身心安樂復誰知

偶吟二首

白居易

眼下有衣兼有食心中無喜亦無憂正如身後有何
事應向人間無所求靜念道經深閉目閑迎禪客小

唐言類苑 卷之九十一
三十一
低頭猶殘少許雲泉興一歲龍門數度遊
晴教晒藥泥茶竈閑看斜松洗竹林活計縱貧長淨
繁池亭雖小頗幽深厨香炊黍調和酒窻暖安絃拂
拭琴老去生涯祇如此更無餘事可勞心

長吟

杜甫

江渚翻鷗戲官橋帶柳陰江飛競渡日草見踏青心
已撥形骸累直爲爛熳深賦詩歌句穩不免自長吟

徐步

杜甫

整履步青蕪荒庭日欲晡芹泥隨燕觜花藥上蜂鬚
把酒從衣濕吟詩信杖扶敢論才見忌實有醉如愚

自遣

李白

對酒不覺暝落花盈我衣醉起步溪月鳥還人亦稀

遣意二首

杜甫

轉枝黃鳥近泛渚白鷗輕一徑野花落孤村春水生
衰草催釀黍細雨更移橙漸喜交游絕幽居不用名

二

簷影微微落津流脉脉斜野船明細火宿鴈聚圓沙
雲掩初弦月香傳小樹花鄰人有美酒稚子亦能賒

水檻遣興二首

杜甫

去郭軒盈敞無村眺望賒澄江平少岸幽樹晚多花

細雨魚兒出微風燕子斜城中十萬戶此地兩三家

二

蜀天常夜雨江檻已朝晴葉潤林塘密衣乾枕席清
不堪祗老病何得尚浮名淺把涓涓酒深憑送此生

卽事

白居易

見月連宵坐聞風盡日眠室香羅藥氣籠暖焙茶煙
鶴啄新晴地鷄栖薄暮天自看淘酒米倚杖小池前

卽日

韓偓

書墻暗記移花日洗瓮先知醒酒期須信閑人有忙
事早來衝雨覓漁師

卽日

李商隱

小鼎煎茶面曲池白鬚道士竹間碁何人書破蒲葵
扇記着南塘移樹時

西行

白居易

衣裘不單薄車馬不羸弱藹藹三月天閑行亦不惡
壽安流水館硤石青山郭官道柳陰陰行宮花漠漠
常聞俗間語有錢在處樂我雖非富人亦不苦寂寞
家童解絃管騎從攜杯杓時向春風前歇鞍開一酌

東歸

白居易

翩翩平肩舁中有醉老夫膝上展詩卷竿頭懸酒壺

食宿無定程僕馬多緩驅臨水歇半日望山傾一盃
籍草坐嵬峩攀花行踟躕風將景共暖體與心同舒
始悟有營者居家如在途方知無繫者在道如安居
前夕宿三堂今旦遊申湖殘春三百里送我歸東都

贈子直花下

李商隱

池光忽隱墻花氣亂侵房屏綠蝶留粉窻油蜂印黃
官書推小吏侍史從清郎並馬更吟去尋思有底忙

且遊

白居易

手裏一杯滿心中百事休春應唯仰醉老更不禁愁
弄水迴船尾尋花信馬頭眼看筋力減遊得且須遊

山中

盧綸

饑食松花渴飲泉偶從山後到山前陽坡草軟厚如

織因

一作困

與鹿麕相伴眠

臨水坐

白居易

昔為東掖垣中客今作西方社內人手把楊枝臨水
坐閑思往事似前身

絕句九首

杜甫

日出籬東水雲生含北泥竹高鳴翡翠沙僻舞鷓鴣

二

藹藹花葉亂飛飛蜂蝶多幽棲身懶動客至欲如何

三 急雨梢溪足斜暉轉樹腰隔巢黃鳥並翻藻白魚跳

四 鑿井交櫻葉開渠斷竹根扁舟輕裊纜小逕曲通村

五 舍下筍穿壁庭中藤刺簷地晴絲冉冉江白草纖纖

六 江動月移石溪虛雲傍花鳥栖知故道帆過宿誰家

七 聞道巴山裏春船正好行都將百年興一望九江城

八

水檻温江口茅堂石筍西移船先主廟洗藥浣花溪

九

謾道春來好狂風大放顛吹花隨水去翻却釣魚船

絕句七首

杜甫

堂西下筍別開門塹北行椒却背村梅熟許同朱老

喫松上回擬對阮生論

欲作上魚梁雲覆湍因驚四月雨聲寒青溪先有蛟龍

窟竹石如山不敢安

兩箇黃鸝鳴翠柳一行白鷺上青天上西嶺千秋

雪門泊東吳萬里船

藥條藥甲潤青青色過棕亭入草亭
苗滿空山慙取譽根居隙地怯成形

楸樹馨香倚釣磯
斬新花藥未應飛
不知醉裏風吹盡可忍醒時雨打稀

門外鷓鴣久不來
沙頭忽見眼相猜
自今已後知人意一日須來一百迴

無數春筍滿林生
柴門密掩斷人行
會須上番看成竹客至從嗔不出迎

唐詩類苑卷第九十一終

